

續騷堂集

四明張氏約園開雕

序

壽鏞蒐輯鄉書於吾鄞萬氏三致意焉丙子春旣瞻謁  
白雲莊越歲萬布衣祠成集鄉人而落之壽鏞先爲之  
記更展拜其墓時萬氏後裔有自杭來者二人焉皆誠  
篤君子也客更詢壽鏞所得萬氏書告以實羣歎十世  
勳績與七代文章相輝映異日儻彙合之爲萬氏家集  
豈不偉哉壽鏞唯唯攷萬氏自鹿園先生承四忠三節  
一義之後開文章節義理學經學史學之先其子達甫  
字仲章有皆非集孫邦孚字瑞巖有一枝軒吟詩也

續騷堂集

序

一

四明叢書

續圖刊本

更得續騷堂集爲悔庵先生作先生嗣音一枝而啓牖  
八龍者也亦越四世矣益之以充宗允誠季野兄弟爲  
五世管邨授一爲六世開遠爲七世此就著述流傳者  
言之若其人足爲世法而其書無可攷者更多卽如斯  
集依會稽孫氏德祖序言第一葉截兩行當集名一行  
作者名氏一行楷則端嚴隱秀當是先生真蹟自敘所  
云手錄存之者不敢示人蓋固隱晦聽之天焉然續騷  
堂集李杲堂序之履安先生詩黃黎洲序之且曰今續  
騷堂寒松齋粵草皆遭亂以來之作也徵諸全謝山續

甬上耆舊詩選萬戶部詩凡三百九十二首始之以斯集終之以粵草其中間則爲寒松可知也又攷懷剡詩白題見續甬上耆舊詩丙戌之歲避亂剡曲山中去郡城百五

十里而遙溪山幽邃有終焉之志三年以來憂患洊至死喪之餘繼以兵燹適返故里今六更寒暑矣所謂三年以來卽先生斯集自序始於丙戌終於庚寅者是也又攷重葺寒松齋卽事詩云剡曲歸來理故園空山猶是未招魂是卽充宗撰行狀云所居寒松齋二三友朋香茗坐對嘯詠忘飢亦卽懷剡詩自題今六更寒暑時

續騷堂集

序

二四明叢書  
約園刊本

也迨至丙申夏客粵東迄丁酉十月六日沒則又爲粵草六十首所由作更徵諸充宗所謂續騷堂稿凡若干卷懷剡詩一卷粵草一卷又適合矣今雖寒松閣集三卷未見而謝山所選秩然有序意者續騷爲一卷寒松爲一卷粵草爲一卷乎概稱之寒松閣集據後名之也嗚呼自甲申迄丁酉十四年中先生義聲震天下所不可奪者大節耳束身頽垣破壁之下續秋望自題寄跡儒衣僧帽之閒哭董晉公詩僧帽儒衣讀道書心病難醫世亂誰恤卽景生情呻吟澤畔旣哭亡友更救良朋情之所至縱蛇漢水

釋狼中山杲堂謂之曾不自悔者而晚號悔庵雖悔之  
而人知先生之失於厚固無損於君子人也歟刻既竣  
因書於端時民國二十九年九月後學張壽鏞

續騷堂集

序

三四明叢書

約園刊本

鄞縣志本傳

萬泰字履安晚號悔庵邦孚子崇禎九年舉人自爲諸生卽偕同邑陸符從學劉宗周毅然以名節自任時黨部正分浙人不與復社相通泰首拉符應之諸名士無不倒屣以迎會有保舉之詔當道欲以泰應讓之符時稱其義符性剛於世閒寃瑣之士叱之若狗泰稍和易然自一揖外不交一語其人多惶恐退去泰嘗與無錫顧仁杲吳縣楊廷樞蕪湖沈士柱餘姚黃宗羲聚講南京惡阮大鍼甚作留都防亂揭逐之東江建國以戶部

續騷堂集

傳

一

四明職書  
約圖刊本

主事司兵餉充日講國亡遁入榆林已而榆林亦被兵乃復歸公車敦促長歌謝之然日益忽忽不自得燕人梁以樟至鄞約同志六七人與之倡和其音淒絕吳鍾繼死泰購得其遺稿摩挲故紙手鈔傳之泰始未嘗作詩遭亂以來驚離弔往所至之地必拾其遺事表其逸民宗羲謂泰詩爲詩史孔子所不剛也其推重如此生平最重倫理女兄弟五人所適皆貧泰有無共之給其終身高斗樞李桐父子蒙難泰與大將之記室有舊聞之感然曰吾不出獄不解也爲至會城以奇計出之桐

死杭州泰以其喪歸晚游粵東返棹有同年生毛汧染疫將死同舟皆欲棄之泰獨收視親其藥裹汧得生而泰病卒年六十子八人斯年斯程斯禎斯昌斯選斯大斯備斯同

續聚堂集

傳

二  
四明叢書  
約園刊本

攷定續騷堂集敘

甲申九月既望余與馮君舸月集趙氏翰香居主人瑾伯戶部出所藏寫本古今體詩一冊屬爲攷定凡詩三百十首第一葉截去兩行當集名一行作者名氏一行有自敘凡兩葉又六行文氣未竟當連屬歲月名氏亦截去大抵寄感滄桑或以鼎革之際疑有所諱故也乃相與雜誦一過志往復討論定爲郵萬履安先生續騷堂集蓋先生爲鹿園居士曾孫鹿園葬綾唐歐家山自敘云西渡錢塘掃先人墓其證一先生與同縣陸符文

續騷堂集

序

一

四明藏書  
約四四本

虎並爲梨洲黃氏所兄事梨洲謂文虎死後先生始爲詩而自敘亦云文虎早以詩古文詞名世心慕之而未  
能學文虎以憂瘁死不平思鳴始有意于學詩其證二  
集中七歌之二章有曰我生之初在帝城吾父秉鉞方  
東征攷先生生于萬厯戊戌而先德瑞岩都督實以其  
年爲遊擊將軍師鴨綠江主征倭之餉其證三梨洲志  
先生墓云先生不受公車之徵遁迹榆林喪其夫人已  
又喪其太夫人自敘亦云乙丙以來崎嶇逃死哭妻子  
矛頭刃底蘊土未乾彼蒼降割恨與天終其證四至若



先生所著寒松齋集凡三卷著錄閩蕊泉氏鄞志梨洲  
敘先生詩與續騷堂粵草兩集並僂謂皆遭亂以來之  
作是集既未釐卷次而自敘時把離騷向水邊林下讀  
之之語殆續騷所由名堂而是集之爲續騷堂集可以  
不疑矣夫以萬氏之繁葉勳舊固與明室同其休戚而  
先生流離瑣尾不皇自卹唯是倦懷故國纏緜蘊結一  
寓于詩慟黍離于行邁悲天命之不淹歌以當哭怨而  
不悱風人之遺略可睹矣楷則端嚴隱秀當是先生眞  
蹟自敘所云手錄存之者尤可寶貴也大清光緒十年

續騷堂集

序

二

四明叢書  
約園刊本

會稽孫德祖彥清謹書

讀萬悔庵先生續騷堂詩集

閨蓮覺海東明社旣云屋日把離騷經一讀還一哭國  
破家亦亡何處歸邦族告密飛章名不麗狂生六行歌  
賦黍離隱遁榆林谷猛犬吠狺孤臣悲放逐白雲縱  
鷓鴣傾身救巢覆生友黎洲黃死友文虎陸決絕博士  
徵奚煩詹尹卜感喟舊神州誰上徐陵牘中山悔釋狼  
眾喙任謗讟顛顛此湘纍鬱伊載其腹心死出哀吟炊  
斷啓詩軸懣悽楚些辭三閭存面目澗河風氣開名士  
老而禿繼雅三百篇藉作風詩讀孔子所不刪詩史良

法堂集 卷終

一四明叢書

約園刊本

見獨埋山沈井中終古必傳作湘水弔無知血淚紛滲  
澗先生魂歸來寒松風謾謾光緒甲申冬十二月慈谿  
末學楊泰亨謹題

續騷堂集序

自東漢諸君始以品目相重所稱爲名士並極標榜至其後惟謂諸葛君可稱名士甚矣名之難副也啓禎之閒江左復尙標榜以名士相推測東則悔庵萬先生首稱模楷吾黨數輩亦得依以揚聲聞出其所作詩古文詞與三吳名士爭長一時傳布及遭亂已來諸君歲寒相見俯仰河山各著文章高論忠義旣而嗟壯年之冉冉苦長夜之漫漫漸失初誠致乖末節此人平日文章遂若有鬼神默禳其筆煙消灰滅無復可傳卽此人內

續騷堂集

序

一四明嚴書

約園刊本

惡夙心亦不願以高論忠義之言復欺天下時尙有赤石逾堅蒼官不改仍闕永初之年終謝地皇之臘浙河以東惟姚江黃先生及吾里數人而益以萬先生爲之宗嗟夫先生斯可謂名士矣且先生功在吾黨固不獨其詩文也當亥子閒吾鄉高大中丞與先儀部並遭大難余輩亦身纏樞紐幾至覆巢幸先生傾身救之得免先公竟畢命虎林先生麻鞋夜走五百里買木衣尸得載其骨歸余破械甫一日與先生抱頭哭江上感動路人久之姚江黃晦木復被繫至甬上異且不測先生閒

出奇計事竟得解當此時也萬先生義聲震天下夫人  
平居把臂相論交卒有小患難夜半叩門能爲一出手  
援之已不可及況惡浪灑天弱泥投地負僵尸於虎穴  
奪生命於歐刀非徒不能救人并將自陷此時親朋塞  
戶行道倉皇而先生裹劍獨行聲淚並發直度易水自  
謂能還即使忌名者百口相讎然且縱蛇漢水釋狼中  
山曾不自悔此真古人所難試讀晦木援阱之章且中  
感述之什及余七歌秋懷所紀事未有不流涕闌干搯腕  
而起歎先生爲無慚名士者也夫詩文之道上關君父

續曠堂集 序

二四明叢書

約園刊本

下關友朋然則先生此集非特鬼神默助其筆埋山沈  
并終使必傳亦先生自吐夙心樂以高論忠義之言正  
告吾黨者矣李文胤

自序

嘗聞之言詩者曰詩必根本於三百篇參伍之以屈宋漢魏六朝三唐兼備體格自成家言而後可名詩人杜少陵之言詩亦必曰讀書破萬卷詩若是其難言之也僕何人斯敢涉斯義雖然詩者性情之事今人讀古人詩如見古人見之于性情也僕于詩未游其樊而性情則吾所自有蓋嘗論之詩有殊塗義惟一致歡娛愁苦意不相兼要皆本之天懷副在音韻升訶廟堂吟詠泉石惟此雅道揚推真氣孤行然受其言足以風當時而

續騷堂集

自序

一

四明叢書

約園刊本

傳後世若夫掇拾菁華矜詡巖刻雖宮商畢赴而指義無歸一字千金究爲敝帚至于逢人投贈到處留題稱觴上壽全同巫祝之辭達官貴人多識交游之字此昔人所謂庸音雜體各各爲容揆之大雅風斯下矣僕不敏少與陸文虎爲舉業之學文虎早以詩古文詞名世而降才爾殊僕心慕悅之未能學也乙丙以來憂患相仍崎嶇逃死哭妻于矛頭刃底藁土未乾彼蒼降割傷哉貧也恨與天終草土餘生苟全視息三年蹤跡往來西皋約曲聞文虎亦以憂瘁死人倫凋喪家室漂搖晨

風暮雨呼天搶地之餘時把離騷一卷向水邊林下低  
回而讀之不知涕之無從也痛卹沈憂荒忽煩亂出無  
以爲歡入無以爲語有懷耿耿不平思鳴始有意于學  
詩而已老矣悲從中來疾疢交作經年病疴奄如泉下  
荆扉晝扃望突無煙而負俗之性動每得謗沙蟲射影  
邑犬吠聲辟俗如仇仰天而歎僕不意離亂難遭至此  
極也所賴筆硯僅存血心未死披帷時來素心抵掌不  
忘吾道傷離歎逝錢苦送窮每以癡憂寓諸韻語嘗西  
渡錢塘掃穴人墓田輒溯江上釣臺問謝舉羽痛哭處

續騷堂集

自序

二四明叢書

約園刊本

煙水空濛有逝將安適之歎登臨憑弔觸緒生情凡此  
筆墨所需無非愁歎之事誠不知三百篇而下屈宋漢  
魏六朝三唐之詩何如也而性情所託若春蠶秋蟬夏  
然而鳴率意任心無關體格惟與二三子倡和酬答當  
其佗僚意色俱飛悚然而骨立惋然而心痛悲哉言之  
聲洎避出不顧鬼神之臨而斧鑕之伏也此僕之所爲  
詩也客曰斷木爲棋梳革爲鞠莫不有法而況于詩子  
未夢見古人而言詩可乎僕應之曰吾未知古人而知  
古人之性情讀匪風下泉而知爲忠臣讀蓼莪陟岵而

知爲孝子此三百篇之性情而卽屈宋漢魏六朝三唐以迄今人之性情也我生不辰禍及膚髮六經之阨慘于秦灰仰視蒼天不見白日使古人當之其悲憤淪淪狂歌慟哭當不似今人含垢忍恥伊優渙忍而已僕顧瞻前修驚怵心骨粥粥乎其咨嗟歎息之聲而名之爲詩夫咨嗟歎息之聲而以爲詩也僕何足以知詩然而性情則已存矣是集始于丙戌終于庚寅刪艾之餘存詩三百十首手錄一過存之笥中不敢示人

續騷堂集

明鄞萬 泰履安撰

剡曲雜詩

片帆夜落雨絲絲舉目河山異昔時  
侘傺百罹逢此日蒼茫七尺去何之  
愁雲深鎖冬青樹寒汐空迴夏禹祠  
天若有情哀志氣尙留漁父在蘆漪  
清溪九曲杳沈沈楓葉蘆花一徑深  
似與幽人尋夙約不妨濁酒且孤斟  
徘徊今古丁公鶴劇滅成虧昭比琴  
賸得青山堪送老林閒生事水邊心

續騷堂集

一四明叢書

約園刊本

湖落錢塘怒氣闌江天六月朔風寒  
八家荒草當門戶都市饑烏集井榦  
道上相逢惟韎韐民間若箇是衣冠  
廿年戰伐成今日隸也爲誰力不殫

萬里神皋望帝闈不堪垂首憶天門  
都門半是中行說宦學全誇石季倫  
榻畔駒兒方駭躍堂葍鷺子故翩翻  
九州鐵鑄難成錯已事于今未可論

越王城外草萋萋雪恥當年事已非  
官屬幾時重睹漢捷書何日再傳淝  
乘舟盡學鴟夷去乞食誰從茂苑歸  
惟有荒村舊鳥鵲朝朝暮暮向南飛



經年辛苦避稅槍何事匆匆忽悼亡望斷霸陵良寂寞  
夢迴炊曰太郎當西皋原上三更月剡曲山開一夜霜  
借隱無緣空擇木寄愁泉路已茫茫

避人窈窕作山行林藪何妨小隱名未忍鴻毛輕一死  
誰能牛背話三生倦游且就車頭宿老學惟思谷口耕  
獨倚愁心對修竹悠悠天地總浮萍

山靜杳然成太古關情最是夕陽天溪聲入夜都生韻  
樹色經秋亦可憐學易早知肥遯理讀騷欲廢卜居篇  
草深地僻無人問一日聊當一小年

續騷堂集

二四明叢書

約園刊本

送窮卻老鮮良謀自在林閒署隱侯底自千金龜手藥  
生涯五月負薪裘夢回故國山山暮坐斷禪關葉葉秋  
村落桃源隨處有人閒浪說武陵游

側身天地思無涯影落空山抵活埋自笑墟中聞咳鼈  
從教壁上看粘蠅迷陽處處徒爲爾杜宇聲聲亦復佳  
懶惰只宜長閉戶前村風雨正紛霏

練川沈一韓避地甬上與予攜手入剡經月西歸

賦詩留別答和二首

一月空山住千秋過客踪遺民題靖節逆旅識林宗碧

漢翔孤鶴寒江蟄毒龍別離無限意心指一株松

其二

匆匆如此別何以慰離踪夢落千峯遠魂歸萬壑宗書  
應傳隻雁劒許合雙龍他日中原會無忘湖上松

還西皋

風捲秋潮浪打門蕭蕭獨坐又黃昏不堪細數槐柯夢  
遮莫難招蜀帝魂貧比原思兼是病才非季布亦遭髡  
向來勝事都衰落惟有蒼苔護竹根

哭陸文虎

續騷堂集

三四明叢書

約園刊本

夢夢竟如許悲來乃兼常不當哀朕時世喪道亦荒樵  
槍橫天衢少微失晶光邦家旣殄瘁斯文其云亡吁嗟  
香漢材零落隨秋霜

其二

秋霜陰始凝所憚蒲柳姿我我千尺松落落無頽枝崎  
嶇涉歲寒古道微在茲噫吁屢已傾乃以一木支材大  
古難用直節安可施悽愴撫年運終古長齋咨

其三

齋咨夫如何心惻在吾道名場三十年天日旌懷抱時

事已焚巢君身方建纛雖矜幼婦辭未解高山操世亂  
難爲士力命誰能造傷哉英雄心閔然付高蹈

其四

高蹈若爲樂君心良獨苦嵯峨雪山岑窈窕刻溪澗涉  
江思美人登高悲陟岵傷心千萬端銷歸向西土幽憂  
慘不歡尸眎有餘怒魂兮如可招恍惚在庭戶

其五

庭戶尙蕭寂我來哭人琴聞君示疾時忍死欲招尋及  
其大期至默然遂如瘖豈無兒女懷終是道人心痛切

續騷堂集

四明叢書  
約刊本

憑君棺淒涼撫君衾以此生死意感彼雍門吟不知幽  
泉閒寥落誰知音

其六

知音不恆有千載稱牙期世人攜手好背面分澗淄君  
才大于海君懷朗于曦游觀澹古處何能隨今時爾我  
訂心言其眞皆掇皮與君稱死友譬若填箎吹君今去  
已邁我失誰爲規久要詎能忘歷歷存鬚眉

其七

鬚眉儼然生雖死未顛頓大文足不朽精爽寄遺箴知

儒緣學佛神理闡幽闕旁兼內外典皆聞第一義開闢  
爲文章言辭絕思議後世誰相知千秋今日事珍重名  
山藏玄宴當誰俟爲君發幽槭依然笑相視

其八

相視睽幽明憂來不可絕生平湖海踪往往惜離別如  
何百年期一訣竟奄忽茫茫志士心子子孤臣血空山  
弔旅魂夜月聞啼鳩纔上剡溪船欲返西州轍世事莽  
如晦我心愁如結焉得招君魂次第爲君說

寒江夜涉

續騷堂集

五 四明叢書

約園刊本

寂寞蘆中客飄零江上舟月留千嶂色煙鎖一天愁幽  
恨憐孤鶩安眠愧浪鷗平生滄海意敲枕問東流

其二

倏然驚歲莫況復歎離居水漲潮生後江澄月上初一  
帆歸漠漠四海臥遠遠猶恐風波惡殷勤問老漁

其三

剡舟輕似葉萬頃縱茫然目斷江南樹魂歸冀北天中  
流慘擊楫傍岸欲牽船浦澈多鴻雁寒宵更可憐

劉瑞當雍髮入山爲潔供疏傳之同人予以李長

黃真作供而系之以詩

瑞當變姓名全復字去古

有僧名復字去古結茅空山一環堵辦香熟向首陽巔  
常山信國列兩廡更有井中藏史人晨夕嘯詠相賓主  
方袍圓頂寄性情鬚眉儼然見鄒魯低頭長隱南郭几  
奮袂或爲越石舞不矜飽死羨侏儒送老齋鹽貯空肚  
眼前萬感集一身熒熒鮮喜偏多怒自言別有休糧方  
不在人間問漑釜山中有屋大如掌欠伸亦足恣仰俯  
何妨土窟若焦先未能掛瓢學巢父殘縑破紙供婆娑  
敗瓦碎石具摩拊

疏云求之殘縑破紙有餘施以敗瓦碎石而足

飢來坐臥竟

續騷堂集

六四明嚴書

約園刊本

旬日充映何必羅篋簞貽書乞向同心人拈出坡公與

耘甫

疏用蘇長公與賈耘老事

妄想瑤瑛太癡絕需索風月更淒苦

疏云瑤瑛舜鼎不恠來遺潔風明月亦堪持贈

我已入山爲老樵有兒皆使歸

農圃生平此興復不淺今已嘍嘍委塵土因君發篋忽

大笑笑我長物何些微蕭條獨有李生畫開看扶疏兩

松樹落落枝柯想歲寒筆墨煙雲相媚嫵懸君空山之

丈室依然爾我雙踽踽此中設謾聞高風絕勝鄰廚聽

粥鼓聊當送米續晨炊憑君飽玩充羞脯

瑞當過從西皋有感

瑞當以哭文虎來時有了之傷

愁人獨臥在菰蘆，忽漫相逢夢裏呼。  
死友昔曾聞范武，佳兒今再泣章烏。  
君子亂世全名士，我以孤情寄佛奴。  
一夜深譚千古恨，嗶嗶何處哭窮途。

清霜澹月靜江村，暫爾開顏亦斷魂。  
寂寂誰過揚子宅，悠悠莫問翟公門。  
人前暗笑鷹憎眼，世上安危虎決蹄。  
惟有寒山一片石，與君深夜可評論。

對酒 原本刪

登高岡望層雲，把酒不飲心先曠。  
清聖濁賢展戲謔，焚枯酌醴當大嚼。  
人言對酒能消愁，我今對之思悠悠。  
自

續鑿堂集

七四明後書

古文人多頌酒，其間寓言恆十九。  
世亂男兒多賤貧，揮路鬼紛相噴。  
天下健者飽食肉，白骨槎枒紅粉哭。  
誰能醉裏獨惺惺，餽糟欲醜全其名。  
陶然濁醪有至理，千古一后澆粟里。

除夕

避人長獨往，幽意託巖阿。  
寥落竟如許，離愁可奈何。  
題詩留歲月，對酒話山河。  
一映流年換，生涯委逝波。

其二

此夜視何異，端居有所思。  
書題晉甲子，目斷漢威儀。  
閣

世聞譚虎謀生聽拂颯病餘衰相現一榻坐支頤

其三

世亂腐儒輕尋山避甲兵韶光歸幻夢生計誤虛聲白  
曰歡相得蒼天恨未平怪來身似客相伴只孤檠

其四

忽忽當今夕依依憶昔年觀梅燒燭坐挾冊枕頭眠短  
髮愁千丈空囊看一錢明朝是何日悲淚更潸然

元旦

曉起日初曛千山四望通歛獻新歲序騷屑舊家風禮

續騷堂集

入國明發書  
約園刊本

樂君臣外衣冠山谷中蒼天如可問額手祝年豐

其二

有意詩丘壑無心問市朝流離經一載感慨重今朝野  
況存雞黍年華付柏椒良辰掩關坐栖托比鷓鴣

其三

萬古此明山興亡幾度閒不因陵谷變那得歲朝閒積  
雪開青嶂寒流繞碧灣愁心對日曆無事且躋攀

其四

春色到山隈晴暉此日開乾坤憂易老家國恨難裁懷

抱人千里風光酒一杯傷心無限意吟望獨低回

感興詩

端坐閱年華韶光易遲暮二曜如跳丸一往無還顧所  
以英雄人流涕撫庭樹高陟嵯峨峯遠眺蒼茫霧勞勞  
旦夕閒乾坤自新故池魚游千里跋鼈不再渡戚戚徒  
爾爲貧賤天所賦

其二

榛棘滿天地去去當何之掉頭來山中芳草相與期鵲  
志失千里鷓鴣栖想一枝悄悄心中言悠悠夢中思蟄身

續騷堂集

九四明叢書

初園刊本

學顛當豈曰守其雌

其三

出郭百餘里邈然如大荒自非汗漫遊安能忘故鄉昔  
爲桑與梓今爲參與商旣歎永州鼠亦笑中山狼誰謂  
食堯苦不如飲泉狂

其四

山澤具真性閩人無冶容片片岫閒雲株株巖畔松雲  
閒散作雨松老幻成龍揮手出塵壚幽獨處其中自契  
草木昧而無蕭艾榮神山儻非遙躡蹻還相從



其五

朝餐山中霞夕采山中蕨日從東山生又向西山沒窮  
石自歸次清歸且濯髮魯陽非荒唐夸父豈狂悖誰操  
尺一箠厥駕九州後

其六

鳥飛亦有序獸聚亦有羣人生恃心骨今古同悲欣幽  
屏澄予懷耳目不得紛靜言閱往昔日星麗典墳匹夫  
慕大義其氣疾于焚田橫三百士魂歸大海濱呼之或  
可出吾以張吾軍

續騷堂集

十四明叢書

約圖刊本

其七

孫登以嘯聞阮籍何善哭此皆有心人俯仰太蹙蹙側  
身當窮途孤鳴在空谷嘯旨今不傳哭聲如可續誰爲  
鸞鳳音且就醉鄉宿

其八

坐臥看雲山山青雲自白山木太古頑雲來相塗澤觸  
石合膚寸雲出山欲沒致雨不崇朝奔濤徹終夕雨絕  
雲不還依然見泉石世事豈如斯吾當問樵客

其九

海。春風生玄鳥。又來舍歲度韶華。年年依玉謝。空山多寂寥。況此風雨夜。幽人殊不眠。何事來相借。

其十 原本刪

澗側老松樹。孤露幾經年。茯苓宅其根。兔絲緣其顛。山人工采劂。食之皆可僊。我攜長鏡來。穆如逢古賢。人間千載事。髮鬢待君傳。豈惟資服食。兼亦共周旋。

其十一

林靜號微風。山高瞰小月。老烏繞樹飛。杜鵑啼不歇。烏栖將何依。鵲啼爲誰設。驚魂不可招。招來羞白髮。

續騷堂集

十二 四明叢書

約園刊本

其十二

林閒有老鷲。側目長苦飢。荒村窮雉兔。腐鼠飽鳶鴟。獨出振孤翮。翻爲烏鵲欺。豈無風霄志。入極無安栖。戢翼俯原田。時來啄其泥。

其十三 原本刪

學書已無賴。學劍復不成。旁皇風雨夕。流涕撫青萍。荆軻太無術。專諸浪得名。不如空空兒。一擊入青冥。我今銷爲鉛。攜向隴頭畊。雖然失鋒鏑。其鐵猶錚錚。

其十四

頻頻自有黨鸞斯集于木古人重結交久要在胸腹生  
死共夷險如車兩其軸管鮑不可作薄夫狂如沐何當  
剖肝膽一擲等片肉嚶鳴事已非絕交書可讀胡不歸  
山中山中有麋鹿

其十五

冥心觀羣動舉目愁紛翻闕里久榛莽履視無專門人  
生此天地癡黠爭精魂蟻蝨處禪際居然河嶽尊區區  
目睫閒千古多繁冤高論且卑之欲語聲遠吞

其十六 原本刪

續騷堂集

三四門錄書

約園刊本

昔賢詠貧士歷落傳其神上下觀古今寥寥此幾人志  
士死溝壑冷風銷輕塵何如在史傳千載偏嶙峋曷哉  
飢寒軀之死求其真彭澤無膺仕義熙有遺民雖然持  
此意難爲肉食論

其十七

入山不厭深茲行亦已杳放居良可懷何爲獨幽討人  
生當亂離憂患因智巧犬吠在所怪虎視焉得飽揮目  
招三仁振容揖四皓紉蘭乃逢茅采芝偏得蓼踟躕此  
高厚命也誰能造

其十八 原本刪

此日是何日廟社成丘墟大地盡髮鉗曾不問賢愚艱  
難逃一死生趣已無餘滅迹來山中稼圃是良圖吾師  
荷篠翁聊以避狂且神農與虞夏一往不可呼斯氓何  
蚩蚩傷哉子大夫

其十九

塵霾障遠天白日當午沒虎噬不避賢君子慎膚髮惟  
水有滄溟歷歷見魚鼈惟山有岷峨齒齒望霜雪高深  
無世情保身乃明哲

續騷堂集

十三四明叢書  
一約園刊本

其二十 原本刪

客從市上來告我人閒事鸞鳳革其音豺虎日以孳渥  
泥無獨清歎離已共醉年年復年年天心不可伺泉下  
尸視人山中未死軼志士閱我躬我躬亦憤憤置身六  
合閒焉能不論議

徐石客聞霄虹家于雪竇屢有過從之約詩以代

柬 原本刪

雪竇山椒剝水漬幾回搔首歎離羣釀來綠螭充三雅  
種得黃雲熟十分篋底殘編尋舊事門前野老送新隄

胸中五嶽嶽晴澹夜雨疏鏡只待君

陳義扶題詩寄懷次韻答和

不堪回首憶當年一度書來一點然若箇吹簫吳市上  
幾時抱鼓越江邊巖阿暴露無安枕典籍幽栖當藜體  
攜手千峯曾有約看山莫漫問腰纏

三載從君杖屨游元龍湖海一扁舟虎丘明月夢中落  
天姥高峯雲外收亂世貧士少青眼深山野人多白頭  
孤鐙濁酒長相憶何處遙瞻百尺樓

西皋絕句

續驥堂集

十四四明叢書

續劇刊本

日長靜遠有何事花落鶯啼自送春欲遣愁懷付流水  
滔滔流水亦傷神

煙雨迷離蔓草寒一抔馬鬣獨噴岬紙錢拂拂又寒食  
痛煞威儀說漢官

幽恨繚繚不可裁漸看新塚長莓苔最憐溪上三更月

閱盡人閒一劫灰

先妻卒于光溪逆旅  
正聞江干失守之日

才拙應知賦命窮漫將傀儡辨魚龍從來雨雪欺貧屋  
不用其涼怨北風

倦來敲枕亦蘧然惟有松風到耳邊夢覺夕陽斜在牖

不知此日是何年

結廬只在近郊西戶滿蜘蛛草滿蹊且向梁閒看鷺子  
何妨燕裏聽醯雞

春林處處叫蒼庚男理耨粗女餉畊頭白老農常飽臥  
可憐我乃不如卿

自從荒遞空山後到處聞人說採薇若使夷齊至今在  
可能攜手與同歸

故人零落在山椒天外游魂若可招生死心期一夕話

對牀風雨憶瀟瀟

文虎丙戌之秋信宿而去遂成長別

續騷堂集

十五西明叢書

續編刊本

何須策蹇走邯鄲人世風光枕底看回首昔年燈火夜  
不堪重數舊悲歡

卽事

鷺子方來春又去空庭野花嬌欲語簷前勃姑整日啼  
每夕牀頭怕風雨聲欸乃五更餘前村老漁夜打魚  
明月似憐人寂寞破窗流影伴圖書

示酒人

獨飲不盈合羣飲亦羸疏世人終日飲且與酒爲徒人  
生天地閒日月相馳驅一日半日醉百年五十餘飲中

有真趣酣適在須臾痛飲稱名士荷鍤無乃愚東臬吾  
所慕醉鄉非久居古人有酒誥其語夫何如

偶讀劉義詩戲和其古體十首

服食求長生本爲駐顏色韶光迅于駛百年幾旦夕華  
屋多歡娛荒丘生感戚生死還相尋哀樂茫無極去者  
日以邁來者日以窄秦皇與漢武情懷徒脈脈惟有北  
丘墳是爾萬古宅蕭蕭白楊風聖凡總狼籍

自古無長生

鉅磬恥及疊袖短苦納手古之深心人無聊且頌酒

獨飲

荆卿非劍客所慕在大義燕丹庸孺子枉殺天下士

荆卿

續騷堂集

十六

四明叢書

約園刊本

軻

言 朝朝沒鼻牽辛苦事農月但免椎享士阡畝力當竭

代牛

莫問卜三代自長秦自速管生巖生不可作握粟茫茫

自歌哭

莫問卜

穆王遺事久銷歇猶有畫圖留歲月誰能駿骨市千金

壯士不教羞白髮

觀八駿圖

飄飄陌上塵殷殷草閒血游魂託烏鳶啼破三更月不

見陣雲橫但見將星折

經戰地

楊柳青青覆石開，夕陽寂寂水潺潺。有酒難澆天外土，幾度招魂魂未還。野哭

生死等閒暮屬沾，非賤貧一言勿其頸。萬古留餘嘖嘖，風搖蔓草割涕想伊人。烈士詠

豺虎相啗食芻豢，何其賤鼓腹作雷鳴。寒山看古冢，餓

緜城道中 原本刪

平原極目道青青，海潮噴雨魚龍腥。煙消月冷山冥冥，士人攜家尚避兵。翹首赤城霞欲起，子規啼血斜陽裏。馬蹄踏破萬峯雲，只尺天台一徑分流水。潺湲落何處

續騷堂集

十七四明叢書  
約園刊本

桃花已逐劉郎去，風生兩腋指扶桑。敬枕游仙到石梁

贈緜城居停主人 原本刪

策杖蕭然獨到門，相逢相笑且開尊。望中霞氣侵書幌，眼底山光淨客魂。歷落千秋追勝賞，殷勤一飯飽王孫。悠悠世路誰能問，猶喜天涯有弟昆。

陳葦亭吏部來游甫上其祖中齋公會倅吾郡里

人誦述遺愛僕亦與焉

太丘先生占名德，老專詞賦空南國。一生偃蹇尚書省，四海人倫想顏色。朅來海上訪丹丘，落落煙雲繞敝裘。



都人倒屣迎佳客父老垂頭憶故侯故侯昔佐明州守  
公論千秋存俎豆是時原天子治垂裳萬井千閭欣在  
宥民間共說胡威清輿上留題仲舉名夜月琴書鑑湖  
水春風桃李官奴城琴書逸韻不可作桃李于今如隕  
籀荒祠歲歲薦江蘿暮雨寒煙久寂寞君來悅惚瞻鬚  
眉明山之巔大海滔陽城已改避賢驛峴嶺猶存墮淚  
碑朝元殿煨華清閉莫問開元天寶事君今只作并州  
行邦人尙是桐鄉誼禮泉有源芝有根貴而能貧道自  
尊廿載爲郎猶作客不知其祖視其孫

續騷堂集

上六四明叢書

約園刊本

丁亥六月錢塘江上阻風漫述

一片孤帆破浪開黑風吹雨過江來棘門灞上留空壘  
越水吳山剩劫灰跼跼海翁鷗欲下依依丁令鶴初回  
居人指點屯兵處幾日潮頭去不迴

亂後初至河渚見鄒孝直劉雪符金夢蜚悲喜交  
集卽事感懷用夢蜚韻

東皋植託處幽夢若爲通人已成真隱文猶賦送窮愁  
心看故底事恨重重不道干戈後還來醉碧筒

相逢皆失意愁思入眉頻世上無安枕山中有角巾乾  
坤道客出湖海道人身莫漫悲牢落吾生白不辰

其三

喪亂山還在萍踪許再過交情問霜雪世事屬風波夫  
去窮途哭行行正氣歌幽芳欣有託吾道竟如何

其四

夜闌譚轉劇山月向人生懷抱尊前盡風光分外清湘  
江渺無際蜀衛莽難行永夕淹良會三年此一檠

聞張秀初江道闈弃家入道悵焉感慕各記以詩

續騷堂集

九四明叢書

約園刊本

湖南深處白雲多矯首孤鴻天際過夙夜道心真不退  
皋亭農務竟如何當年底事秋槐國此日因緣春夢婆  
慧業瞥然超浩劫肉身古佛住恆河

秀初河南讀書處顏曰夙夜齋甲申

之變即率妻子  
躬耕皋亭山中

蠅庵隱學江居士白鶴山樵是後身藜火光中消夙業  
雙林病裏識前因傷情海底生塵日努力竿頭進步人  
澹泊儒門收不住我來方外訪遺民

道闈結廬橫山題爲蠅庵生平善病

行前身白鶴  
山樵之夢

西皋秋夕

入秋佳氣到林塘，買得扁舟載夕陽。南郡暫來眠一覺，  
山中應許醉千場。碧梧葉落月初上，黃菊花開天乍涼。  
小立空庭竹幽籟，不勝哀怨聽蛩螿。

方塘曲水繞幽宮，惆悵寒煙暮雨中。風景不殊霞露白，  
夢魂無賴佛燈紅。工愁庾信思偏苦，返馭王陽事已空。  
可歎仙人辭漢後，茂陵原上草芄芃。

閉戶先生不出村，驚看黃葉已成屯。雁飛碧落書愁字，  
露滴青林染泪痕。撩亂山河紛兩戒，沈寥宮殿冷千門。  
閒中欲續悲秋賦，燈燼香銷總斷魂。

續驪堂集

二十四明叢書

約閣刊本

乾坤蹙蹙去何之，寂寞滄江一釣絲。造化小兒多詰曲，  
鬚眉男子竟優伊。窮途不盡黃金泪，夙習難忘白雪辭。  
細數生平渾是夢，牀頭有易未全癡。

悵望江皋泪未收，亂離經見幾番秋。臥游萬里且尊足，  
兀坐一庵聊捋頭。哭世人應嗤許伯，置身吾欲學黔婁。  
改柯易葉風霜後，極目難銷大地愁。

郭外茅堂一水隈，月明舒嘯獨登臺。懷人夢逐梁州去，  
弔古思從汾上回。勝事倚樓都欲盡，壯心看鏡便成灰。  
蕭蕭三徑蓬蒿色，冷落求羊不再來。

短歌

霜林凋殘秋氣深樓桑日下天沈沈昭丘石馬委茂草  
冬青一葉凋荒岑男兒此身能餘幾等閒凡聖同蟬蠅  
東方先生正苦饑南國老人且隱几孤燈細雨小窗前  
愁來汨落紛如泉嗟哉啣石填滄海已矣逐日走虞淵  
夢游西園呈黃太冲晦木澤望

吁嗟古道不可作夢寐其人或見之自從天下走名譽  
讀書種子懸如絲生平論交有黃氏豈曰友之惟吾師  
每來坐臥西園下左右圖史兼尊彝正氣堂中拜遺面

續騷堂集

三四明故書  
約園刊本

枵然一室張四維風冥雨晦天地閉斯文未墜當在茲  
三年饑走荒山中艱難契闊長別離夜來孤枕臥獨月  
交暝恍惚來江湄前村煙雨峙傑閣竹木蒼翳相蔽虧  
入門老鶴似揖客釋犬避人穿破籬披帷突兀逢長公  
其冠岌岌存威儀亟問別來著何書笑謂此事徒爾爲  
借來晦木下榻處冰雪一卷手自攜筆墨几席尙精好  
鎮以古玉如凝脂相對無言但恭敬傷離感逝存頷頤  
憑欄爲我呼澤望到來握手無他詞但言歲月日以邁  
公等留買毋乃癡我聞其言若有會通身汗下難爲施

須臾杲日出天際，照耀林木呈鬚眉。黃金破鏡纔一笑，忽聞好鳥啼。桐枝瞿然驚，顧已相失還來被。底眠僵尸，起看殘月斜在牖。蟲聲四壁紛齋咨，嗟吁大地彌雲霧。踽踽投足罹凶危，良交次第就割沒。悠悠里聚同羣麩，憶昔原先皇誅大憝，昭宣臣節旌孤兒。反覆于今二十年，國事已去家聲墜。姚江三子靜如女，涉歷寒餓猶嶽崎。文章氣節剩一綫，天或有意此愁遺。我交三子在性命，久不相見無相疑。自傷骨肉半零落，獨留友道相支持。如何耿耿平生言，託在一枕徒吁嘻。且向夢中還說夢，矯首青天白賦詩。

續騷堂集

三四明叢書  
約園刊本

戊子季春朔日信宿河渚，明日將返剡溪之棹，留別孝直雪符。

春水桃花開滿隄，我來小棹夕陽西。到門握手無新語，捫壁看詩有舊題。抱膝誰當今管樂，買絲且繡古夷齊。憐予汎汎同萍梗，漂泊明朝又一溪。

宿西方庵

法華山下雨冥冥，花落鶯啼竹外亭。繞座煙雲供古佛，延宵鐘鼓續殘經。僧歸別院穿林入，話到無生敲枕聽。

一夜清緣隨分足幾年醉夢暫時醒

鄒孝直屬題慵隱詩爲其尊人仲錫先生

學道本來離垢地破除結習始成慵觀心自在飀千偈  
行腳無煩走萬峯錦里園中收芋栗鹿門牀下拜鸞龍  
靈山只在西湖上秋菊寒泉物外逢

隱到眞時意若慵幽人環堵法王宮漢陰昔日忘機叟  
塞上今朝失馬翁自是知儒緣學佛果然及第證心空  
竭來乘願生天去揮手人閒劫火紅

曉起

續騷堂集

三三四明叢書  
約園刊本

晨昏依丙舍淒切展空幃蒼草當階茁慈烏傍母飛泪  
隨清露落魂與曉雲歸生孝何如死安豐未可譏

其二

獨宿當春夜愁多每失眠無緣謀肉食未免問廚煙吾  
道存鳩拙人情競蟻羶凌晨餐沆瀣聊欲續殘年

其三

啼鳥破殘夢窺窗月近人孤衾身似客兀坐影成鄰鷺  
語方知社花飛已送春愁來歌五噫垂髫若爲賓

其四

村居少人事幽意在田園迤旭且晡髮衰寒猶負暗畦  
蔬看長甲籬竹報生孫願學牆東隱蕭條長社門

陸夢明至

原本刪

忽枉故人駕憐然造吾廬微風蕩輕舟潭雨生衣裾握  
手互悲喜譚笑成欬歔問君來何爲將無饑所驅君眞  
湖海姿我本山澤癯資主迭爾汝古道敦桑與君今委  
顛頽我亦託狂且豈無衛足智辭苑集于枯公穆身質  
齋孫弘方收豬未能殺袁劉寒士安得舒本懷在彭澤  
強作魯公書臨邛與安邑四顧多躊躇雖然王修齡不

續騷堂集

三四四明叢書

續圖刊本

乞陶胡奴君看天地間儂輩自喁喁世人正飽死無爲  
誚侏儒我學在老圃不爨空樵蘇荒村明月夜相將來  
據梧滄江今已竭莫漫歌無魚

集歸去來辭

原本刪

竊寵歸三徑晨光颺微風嘯傲怡良辰心情寄孤松南  
窗鳥自飛西泉木已榮去去聊息駕願言懷老農

其二

原本刪

悲來不可絕惆悵登荒丘遙岫無還雲清壑有安流世  
事成今昨吾生感行休崎嶇撫時命任化乘飄舟

西皋書壁

荒村無人雲掩扉格磔飛鳥當窗啼忽忽浮生看野馬  
冉冉世事聽醯雞蒼苔碧蘚恣璀璨青蘇紫荀能甘肥  
此生未得霸陵住獨有魂夢依要離

門外遠山青一抹隱几看山儘空闊學成老圃抱犁鉏  
坐入初禪依蒲褐白日已逝傷悠悠蒼天何勞書咄咄  
新愁舊恨紛難裁卽今顛顛非饑渴

贈桐城方子留

原本刪

君來大海觀瀾日正我空山絕粒時避世不妨長作客

續廬堂集

三十一四明叢書

約園刊本

傷心無奈強吟詩風流舊事烏衣巷淨業新參玉版師  
圯上何年遇黃石人間再見有男兒

昔日篇呈武林卓方水

方水交文虎與予二十餘年今來甬上文虎死  
矣子亦奄奄如泉下人相將過陸氏故居撫其  
遺孤泫然出涕爰述短歌當慟哭云

昔日湖濱偕陸子傾蓋逢君笑相視今日江干重見君  
咨嗟夙昔傷離羣古道交情生死見薄俗悠悠口背面  
亂離名士多國殤食肉有人自宴宴我家東海之窮荒



側身懷古思茫茫陸子一睨不可作我身未死先荒唐  
君來握手還道故環堵汝其糾日暮不堪獨筍在山陽  
沉復策馬西州路噫吁天道方夢夢風塵阨寒暄寶中  
揮戈難挽白日下捧土豈障黃河東男兒相許本意氣  
連遭貧賤非所諱可憐舉足逢迷陽如魚在鬻烏在罟  
昭氏之琴分成虧郢人削鼻徒爾爲人生此日皆零落  
不須更作丘山悲丘山絮絮自位置今人猶揮古人泪  
生何如死不足歎苟全性命誠難事羨君河嶽英靈襟  
感君縞紵平生心相逢但有相憐色話到當年又欲痞

續騷堂集

三  
四  
明  
叢  
書

約  
圖  
刊  
本

和董次公自哭詩

茄聲吹徹海天寒敝帚生涯到處難仄注笑人長寂寂  
曼胡躍馬自桓桓張羅門外堪悲翟撫劔牀頭竟負韓  
碧血青燐芳草色眼前幽恨莽相干

極目遙瞻十二樓傷心淒切有商謳冬青樹冷西冷暮  
五國城荒北海秋端策也會占太卜避人直欲適扶婁  
自從擲杖千峯去無復雄心問劓緱

扶婁國人性機巧  
善變化能改容易

服

先人豐沛起同時十葉衣冠盛羽儀鹿走周原亡國恨

瓜絲邵圃故侯悲愁來怕讀文山傳老去空吟宋玉詩  
他日遺民題墓日青蠅應許弔吾尸

西風颯颯布愁雲悽楚登臺慟哭文赤社豈知王氏臘  
黃龍失望岳家軍萬牛莫挽滄江水四海難招鸞鳳羣  
木落洞庭秋雨後我來何處洵湘君

和秦汝翼寄懷五首

一丘行可託幽意每相遭人事荒荒老子冠岌岌高未  
能焚筆硯聊復涉風騷何處遙相憶春深杜宇號

其二

續騷堂集

毛四明叢書

約園刊本

山居無歲月花信幾番風夢覺分明後枯榮杳藹中同  
行攜子手不悶歎吾躬顛顛今方甚星星鬢已蓬

其三

我寒一至此子熱豈因人今夜山中月他年世外身君  
親終質質憂思每循循無賴箋芳草地悲漢苑春

其四

偶耕曾有約忽忽滯良辰不學荆卿術還留薛政身中  
原失上策荒微泣逋臣極目風塵際幽憂未可申

其五

避地因逃死謀生乃更難可憐亡國恨翻作潔身石林  
靜增秋思山深知夏寒君來訪樵客爲問剡溪灘

過周唯一山寮

巖真峯前屋幾開宰官幻作比丘顏古今若箇眞成佛  
世界何人解住山大地劫灰跌坐穩彌天風雨閉門閒  
我來欲問無生旨百尺竿頭未可攀

會見銅駝荆棘閒遺民尙有道人顏瞻天萬里傳雙泪  
去國孤踪寄一山虎乳墟墟方擇肉顛當得得且偷閒  
不地重說興亡事泣盡龍髯何處攀

續騷堂集

天四明叢書

約刻刊本

英雄回首剎那閒住世精靈出世顏挹取曹溪一滴水  
來居剡曲萬重山最憐白日渾無賴且看浮雲莽未閒  
斷際截流孤露處尙留樵徑許躋攀

唯一爲與合  
其治在曹溪

榻來攜手水雲閒悲泪難施舊日顏萬劫緣中留佛國  
一袈裝地是明山阿羅漢已先成果大丈夫偏早得閒  
爲問空庭明月夜孤峯曾有幾人攀

徐掖青園霄虹過從西泉有感漫述

原本刪

我生託命在窮谷未便爲僧已不俗土室泥封抵活埋  
草深一丈彌天綠徐子躬稼東湖濱聞郎餞走雪山麓

歷落嶽崎兒性情道氣文心在眉目憶昔雞壇舊有盟  
中原齒遇成方輻自從少微慘無光雲中之鸞化爲鷺  
世情何必翟公歎窮途但作阮生哭忽看幽徑破蒼苔  
款扉驚喜求羊躅迷離塵翳儘驅排渾噩風流始貯足  
生平避俗如避仇況復逢君嗜幽獨元直來過龐公廬  
淵明就飲柴桑屋一感一慨風雷生一泣一歌天地肅  
十載雞鳴風雨心暫時邃古羲皇國君心謾謾嶺頭松  
我懷澹澹亭前竹眼底蚤蹙何紛紜世上夔虻徒刺促  
爲君一撫雍門琴爲君再撫漸離筑人生焉得長聚首

續騷堂集

三四明餘書

約園刊本

但須聊厚不爲薄古人可作吾安歸遺民有傳從頭讀  
王水功亟稱博融禪師因招游香岱予神交博融  
而夢游香岱久矣爲和原韻以訂後期

山居堪送老獨往恣幽尋流水觀身世浮雲證古今人  
閒無勝事方外有威音遙憶誅茅處幽篁一徑侵

其二 原本刪

曾問天童路竿頭百尺臨幾年生死夢半世水雲心君  
唱高山調吾吹白石吟何當攜手去獅子窟方深

其三 原本刪

一袈裟許地跌草坐成陰未企三生石先徵七處心傳  
衣勝鐵鎧度世得金針此日遙相見悲來淚滿襟

方水就訪西泉答和二首

君復何爲汗漫游殘山剩水不堪酬傳來詩句篇篇好  
話入琴尊事事幽四海難逢河朔飲百年偏遇汨羅愁  
荒村掃地焚香坐此意還從濠上謀

蔽身贏得此田廬鈴影雞聲事已虛濯足振纓聊復爾  
讀書博塞總何如悟知塵劫千生外學得浮沈一夢餘  
相見故人頭早白怪來湖海興全疏

續騷堂集

三四明餘書

約園刊本

蛟川雙烈詩

錢塘江上建軍牙定海關前列戰艦聲援犄角未成勢  
坐令澤國蟠長蛇乘潮鼓浪恣出沒哆口擇肉張嗔呀  
大者爲侯小者伯命吏脅息無敢譁北風驚栗湖聲死  
解甲何人是男子江上武士奔如雷關前健兒躑如家  
辟易踴躍喘息餘睨猶思食人髓量金輦玉滿餘艎  
笑指嬋娟若箇美幾人抱瑟上樓船幾人擁籌泣花鈿  
白日荒荒天地晦一身似葉隨風旋名門女士靜如玉  
習詩媚禮在兒年冰雪爲顏鐵束骨其姁皜皜姊儼然

如絲一縷腔閉血灑向人前明大節大節分明死可矣  
此血可枯不可溼有身但掛嫁時衣有魂不識他鄉月  
鶉之奔奔將奚之狐之綏綏復何說是時江干新鬼紛  
千羣何當嚙指從夫人腥風毒霧膩如障乃有氤氳杳  
靄之祥雲吁嗟大義有咫尺誰人一日千秋易眼前閨  
閣眞英雄天下衣冠盡巾幗海水滔滔東復東扶桑日  
出通天紅東流不改日還在雙雙環珮乘天風

西皋雜感

戊子之春子居墓廬几席淒涼草木荒落顧瞻

續騷堂集

三四明叢書

約園刊本

三墓盡焉傷心嗚呼天方酷虐人盡化僞睹此  
茫茫能無永歎作雜感詩

荒涼丙舍立四壁墓木吟風更可愁人閒華表鶴千載  
天外邗連土一坏有書不幸如趙括生子誰當如仲謀  
昔時舉策學數馬此日持簞來飯牛

朔風已盡東風吹墓上紙錢新垂垂倚廬此日還瞻母  
嚙指當年想憶兒世上未能酬一日夢中惟見蹙雙眉  
縱然淚灑千行血不及慈烏在樹枝

但見詞人賦悼亡生平不識別離字豈知逆旅弔孤魂

天崩地坼人閒事生生死死只尋常如何之死太荒唐  
我欲招魂招不得極目溪山空斷腸

原本刪

世界堂堂列酒肉我偏覺覺憂懣蘇蘇一生心行獨游頌  
千古文章越絕書世出世閒皆負負此日何日猶遽遽  
白薇且須就泥水畫龜魚鼈眞吾徒

原本刪

廿載讀書林下屋一卷冰雪長避俗斥鴳何妨笑大鵬  
高陵今已沈深谷譚何容易難爲瘖泣近婦人不可哭  
把酒一呼平原君天外松風起謾謾

憶文虎也  
原本刪

管鮑不作程杵死友誼臣忠薄于紙男兒一日有千春

續騷堂集

三十四明叢書

約園刊本

生不逢辰死猶視我思其人泪欲垂星辰在天嶽不隕  
可憐世上多曹李坐令獼貉張其威

原本刪

周妻何肉徧方外潘江陸海空人閒不堪回首問百六  
何處避地尋三山廋隕老馬失駒想顛顛孤松損龍顏  
學得放言身可廢頽唐天以調其頑

我身只合置丘壑偃蹇生事皆勞薪賓送日月歎鹿鹿  
漂搖風雨逢狺狺尙有鮑叔能知我何物鄧禹解笑人  
千金不龜得緝統此意難將問水濱

鑽頭生意從吾好擷得蒼蘇勝蕨薇已知樊須非俊物

且與莊周譚杜機封狐跳梁市上出老烏畢通城頭飛  
戶外流泉當沁水洋洋吾亦樂其饑

當面輸心背面笑杜陵詩句至今傳交道炎涼痲瘡耳  
世法捉牽傀儡然黃金白璧乘時客大截深杯得意年  
行路不須愁蜀道我寧作我好周旋

病中口號

百年能得幾寒暑如何隔日一回過分明旅邸南柯夢  
偌大炎涼在剎那

來病君子故名瘧豈真有鬼乘其時我體居然呈四大

續騷堂集

玉四明叢書

續園刊本

無端冰炭爲誰施

等閒一病一百日秋老前汀蘆荻洲緣愁贏得十分病  
因病增卻幾番愁

亂世難遭是病死病裏求生屬大愚可笑兒童不解事  
強來枕畔說醫書

當年奉母山中住一病五日恨終天今勃憶母還同病  
此恨應齊到九泉

寒從何來忽已熱寒熱于身何不堪卻怪維摩長示疾  
且于彌勒暫同龕



題高且中道影

世情尊捷足兀坐爾何爲老鶴萬里想孤桐百尺枝深  
心今日事幽意古人知顛顛存吾道空山雨雪時

其二

男兒不得意今古總蕭條草木愁中變山河望裏遙淮  
陰看把釣吳市聽吹簫與子同依隱寒松是久要

其三

澹泊笑儒門衣冠未可論已知庚夏沒猶喜管蕭存自  
許鐵爲骨天生玉作昆蒲團敷大地心想正乾坤

續騷堂集

三四四明叢書

約園刊本

其四

默然趺坐處其氣淡于秋古望知遙集幽栖是遠游文  
章大地事忠孝祖孫謀何處傳真氣三毛頰上浮

贈陳山民

原本刪

攜琴乘興到滄洲孤迥琴心分外幽一幅生絹千里目  
數聲高調五湖秋不禁紅葉催人老況有黃花照客愁  
我亦好游多侘傺可能與子共悠悠

山民能琴  
善畫

秋望詩

原本刪

戡身草土忽焉暮秋當志士傷心之時況棘人

在疚之日痛逝者之不作歎我生之徒存哭泣  
之餘偶近筆墨爰述八章以寄一慟

曉起看庭樹枝頭露溥溥原野改顏色四望淒以寒日  
月逝如擲天地慘不歡愁人惜景光壯士撫衣冠人生  
可柰何方寸起嶺岬

悲從秋聲生心同秋葉槁搖落觀物情驚顧企墓草墓  
草自淒其人生日醜老岬岬雙嵯峩瞻望盡荼蓼哀  
孺子懷嗚嗚復何道

原本刪

夜冷衣裳單枯坐集百憂絡緯促人織無婦將誰謀窗

續騷堂集

三五四明叢書

約園刊本

外桐風吹蕭蕭助我愁孤燈此一夜坐斷萬古秋攬衣  
睇高寒風清月滿樓

原本刪

歎息復歎息舉目成離披昔日桃李花今日薔薇枝春  
華當豔陽不知有秋時一朝經繁霜紛然呈葢資安得  
冥靈木千歲存其姿

原本刪

徙倚原上村極目送飛鴻雲端書何字母乃怨秋風秋  
風吹碧落天宇增穹窿舒翼翔區外稻梁安得逢冥冥  
自此去虞人在澤中

原本刪

栖遯已三年悲來欲狂走依回生死間切怛成大負名

流死如麻昔者皆吾友秋風被黍離哀怨彌林藪上慙  
博浪人下愧桃源叟

原本刪

笳聲吹鷺粟秋容天外低北風襲南枝越鳥失故栖豈  
無雲中鸞不如堦上雞蔓草炤夕陽四望荒煙齊芙蓉  
集爲裳袞落委江隄

原本刪

昨聞螻蛄啼今聞蟋蟀鳴二蟲閱春秋不知誰死生橫  
目及四足得時皆崢嶸故者日以稿新者日以榮崎嶇  
新故閒努力觀虧成

原本刪

### 哭瑞當

續騷堂集

三六四册裝書  
約園刊本

造化賤庸人初不問死生志士隕一朝終古難與平劉  
子早聞道吾黨推干城感慨閱時運牢落愁心兵鳳翮  
旣已鍛龍性誰能更鼎鼎百年閒蓋棺存令名

### 其二

昔我出門交目成得吾子茫茫如望洋舉首東面視剗  
然截窾流萬壑俯沼沚頽汲去不迴龍門鎮一砥浴出  
日月光屈注天河水學海涉波瀾誰當測其涘

### 其三

天地植遺氣大雅留文章讀書三十年眼底無洪荒時

危大道奔臧穀同亡羊雖然多風塵不拚筆墨光我來  
撫遺編涕泗仰屋梁萬卷老白日暮向青山藏

其四

孤者易爲悲貧者易爲感人生險阻間努力事心膽與  
君期古處經營最慘澹君知不如葵我生集于窟三載  
失歡顏欲哭或不敢傷哉平生言竟成終古憾

其五

陋巷訪故宅寂寂荒江邊兀傲抱膝坐寢食古人前殊  
不蔽風雨時或生雲煙潔者許爲供題詩紀歲年天地

續騷堂集

三七 四明樓書  
約園刊本

自爾爾戶庭已悠然淒淒風雨夜遙憶對牀眠

瑞當題  
讀書處

曰淒庵有潔  
俱疏以寓意

其六

翳然林木下是我西皋廬昔年君始來寒月坐前除今  
年再叩門傷仄惟歛歎爲我著紀游其文儘發揮上言  
多龜勉下言長相於嗟乎墨未乾忽作古人書

瑞當有  
訪西皋

記

其七

君將賦遠游就我商行轍未及脂君車先欲捫君舌聯

牀三日譚遂爲如此別別來日以遠木落秋江晚孤鴻  
天際歸思君如或返不恨會時難但恨譚時淺

其八

世亂無良死心病無良醫天下殺英雄名士紛然萎傷  
哉後死人其生將有爲一朝忽已暝時命安可知舉目  
明舊盡何處呈鬢眉悲來一失聲我豈哭其私

枕上 原本刪

不寐其如此夜何虛窗破壁月痕多吟成五字燈初燼  
耐可三秋病有魔吾道龍蛇當曠野人情鷺雀屬沈疴

續騷堂集

三六 四明叢書

約園刊本

隕然一枕支雞骨猶想山阿臥薜蘿

蘇眉聲至自嘉定劇譚往事喟焉傷心賦此爲贈

兼柬義扶 原本刪

昔我游膠中神理澹孤吹晨夕友素心人文揖古誼宗

明推上谷

侯廣成  
先生

黃陳分座位

黃籍生  
陳義扶

蘇子最靜穆道義

稱昆季我得從之游把臂笑相視以君冰雪姿滌我風

塵氣莊莊無苟容落落成深致北闕偕上書南天各垂

翅悠悠六七年天涯紛涕泗君涉吳江深我入越山深

愁觀白日靜坐老蒼天瘁足音空谷來相看總顯頓深

語不終歡乍見還疑寐感頰話侯黃

乙酉之難黃處九生死兩子幾道雲

俱爭喧管運害劫生借其弟偉

恭同日死臨年侯雍亦死一語一揮泪

心杵曰男兒事

附聲撫總生遺孤

緣君見古人始識彝倫字深

深此日譚脈脈當年意乃知澄懷人絕去榮觀智明夷  
大道存後世斯文寄南陽田可耕商山芝可餌况當強  
仕年隱學求其志努力酬君親正氣還天地有如死可  
生當使生不愧契闊與艱難此理無失墜爲我語平園  
蕭條且高寄

客有爲予圖小影者顧影自憐殆難爲懷因嘲以

續騷堂集

三五四明叢書  
約園刊本

詩

闌珊骨相豈堪傳畫出鬚眉尙儼然荷芙蓉高士服  
雲山風雨道人緣身將隱矣誰知我論且卑之莫問天  
獨立滄江歎離索餘生還讀馬蹏篇

兒時負劒學爲儒龍服于今盡是魚青史蕭曹全寂寞  
烏衣王謝半狂且懷哉古往同萍梗嗒矣乾坤在草廬  
紙上冠裳如夢裏不堪愁對我慙渠

生事無煩問苑枯一庵蕭瑟寄屠蘇避人且自開三徑  
投老猶思長五湖擇得木應嫌我拙移來山亦笑公愚

何如太液池邊鵲化作延秋門上烏

難堪短髮亂鬚髻  
迥向初心詰老僧  
牽出泥牛還蹭蹬  
學調狂象息奔騰  
塵霧障裏煙霞氣  
星火灰中日月鐙  
大事因緣凭一几  
笑看窗紙窳癡蠅

寄題山陰謝氏園亭

昔人多抱山水癖  
爰有寄題五嶽篇  
雖然說食終不飽  
如望屠門空流涎  
我病一枕歷寒暑  
夢中丘壑相與旋  
朝來故人惠良書  
開械悅惚呈山川  
指點布置見結構  
自言此中別有天  
似聞流泉出戶牖  
又如几席生雲煙

續騷堂集

四  
明叢書

約園刊本

圍棋賭墅此亦足  
伐山開衙徒騷然  
主人作此豈無意  
坐臥其下懷幽燕  
太行崔嵬幾萬仞  
會見跛牂牧其巔  
黃河東去不復返  
愁看碧血流涓涓  
出門但覺天地隘  
坐得安隱誠良緣  
我欲從君十日游  
猙獰瘡鬼紛糾纏  
始知清福帝所恡  
君何優厚予何慳  
只尺寄題聊爾爾  
何必五嶽愁連連

贈高辰四

絕學寄千載  
惟尊靜者心  
至道穆無言  
洪荒自古今  
雲蒸仰山高  
水清知泉深  
物理在寧謐  
冥漠通天忱  
人生

當亂離塗毒環相侵才智互矜許膏火每自燭坐令器  
界隘乃成謠誣淫吾黨重氣類鶴鳴和以陰高子真靜  
者古道推獨樹悒悒端士容浩落蠲凡襟蛟龍隱文章  
蟄爲蠹書蟬卓犖寄心想萬古一目尋大器辭小琢雅  
樂絕繁音以茲清淨理嶽然成崎嶇世障腥于霧亦濫  
如春霆豈有湖海士攀裳試蹄涔君坐百尺樓閒撫丘  
中琴勝事在昆友抱膝相與吟亂流不堪濟且臥滄江  
潯試看鑪鞫閒躍冶無良金

哭董晉公

續騷堂集

四二四明叢書

約園刊本

總帳蕭蕭儼在斯臨文空復賦些詞荒涼杖屨人千古  
慟哭生平酒一卮夢夢難從天道問心心不遺市兒知  
可憐懷抱爲君盡憑几應問某在斯

奇窮似我人應少古處如君事已希老鐵波中尋響出  
喬松枝上許蘿依分金管鮑千秋逸裹飯桑輿一夕違  
兒女深情爾我意幽魂來傍瓣香歸

鞞鞞庭前棣萼容悲風五月颯于冬爲言古誼存昆友  
不道斯人獨閔凶良月入簾空自好餘樽在牖爲誰濃  
每逢時節長相憶新冢愁看宿草封



自從劫火侵膚髮隱約心期不可論豈是君平眞賣卜  
且從德操學鋤園人閒無復存者舊世上于今少弟昆  
聞闕西堂清晝永我來何處賦招魂

幾家豪氣已全除僧帽儒衣讀道書隱几嗒然南郭叟  
臨流荒爾楚江漁朔風陣陣悲魚服夜雨紛紛泣豹祛  
病死如君當一笑有情未免更欷歔

年來朋舊盡傷凋零落如君豈意料準儼半龕通夕坐  
曾期一葉五湖飄天高鴻雁風光冷秋老魚龍夜氣消  
背郭茅堂白日靜可能與子共昏朝

續騷堂集

三四明叢書  
約園刊本

王忠烈公詩

公諱章別號芳洲直隸武進人令吾鄞七年入

爲御史甲申之變公奉原命巡城城陷賊迫公

降公大罵不屈遂遇害越宿家人收公尸于城

頭屹然危坐顏色如生贈都御史諡忠烈

昔日稱公眾人母桑梓喁喁尙安阜今日稱公百世師  
大地莽莽多骸骨自從大命竊薰腐士氣隕然成市賈  
營營盡是盤中蠅齧齧或爲殿上虎三君已死八俊亡  
姝妹媛媛皆荒唐穴金陵玉長安道獨以社稷愛君王

廿載用兵空踴躍推轂受賑資嗚噓狐狸盡豪夫搏人  
多少衣冠盡崩角公會持節到關西關中小兒無夜啼  
天子召還備侍從爰授齊斧俾登陴我峩廬繡城頭峙  
臣心已許城頭死投戈解甲紛如雲行行且還王御史  
俄驚白日當空頽人閒萬事同塵灰公言帝命不可貳  
男兒死耳無徘徊隸也不力師不武一死豈足報君父  
罵未絕口刃刺胸端然兀坐死猶怒吁嗟原朝廷何負  
人蒼黃此日不堪論百年士氣一朝盡惟公取義成其  
仁我來揮淚拜祠下墓草芊芊護石馬鶻啼日落春風

續騷堂集

望三四明後書

約園刊本

寒彷彿伊人在松楸公乎之死豈偶然上支碧落下黃  
泉豪豬健狗滿都市垂頭搖尾誰爲憐國家養士三百  
載報恩曾有幾人在于今循吏爲忠臣父老還來泣畏  
壘

續秋望詩

戊子之歲廬墓西皋曾賦秋望詩成而瘡作經  
年不除今還故居又颯然秋矣束身頽垣破壁  
之下淒風侵人落葉在地愕然之宮兼有寒色  
言念往昔惻焉興懷旣勤瞻望之思亦致怨望

之感深情所至副在短篇作續秋望詩

去年賦秋望今年秋又深明月幾當頭涼風忽披襟聽  
月坐臨風天漢杳沈沈秋容日以淨秋懷日以侵夜闌  
無語時默然觀其音獨將霜露意冥漠見天心

其二

秋空高且寒風雨助幽悄塊然閉閣坐百感集窈窕錦  
綉遲顏色能得幾時好悲哉龍門桐一葉落最早

其三

當年避兵處深入剡中山山靜秋更古冷淡開心顏仕

續騷堂集

四十四明叢書  
約園刊本

山不知樂別來良獨艱大地劣一榻虎豹當其闕戚戚  
此愁坐仰愧飛鳥還人生如秋葉黃落不須刪寄語謝  
山靈山靈笑我頑

其四

秋水以時至但聞河伯喜未聞百谷王豈識望洋理人  
生不聞道安能釋奄鄙歸愚無夷塗九十半百里鼃龜  
亦有徒蹄涔亦稱水大道博一笑高山荒俗耳豈知六  
台開論議紛難擬焉得決滄江一洒儒門恥

其五

遠天澹夕陽爽氣散林樾對景無勝情何以寫空闊浩  
蕩想河漢潮洞不可越灼灼江上花幽姿爲誰發鬱鬱  
草中艸苦心獨自持志士懷冰霜隱忍在閨闈悠哉一  
寸心耿耿送日月

其六

學道如牛毛道成若麟角古之英雄人回首卽正覺我  
生無福慧章句早束縛正如少水魚圍圍思大壑形骸  
忽已老禍患及毛髮振睿揖先王顧影理亦惡行將揮  
手去千峯應須託靜對古先生西風看隕籜

續顯堂集

四明叢書

約園刊本

其七

經年親一枕寒暑任悠玩曉風吹骨涼驚心秋已半病  
劇不憂死胡爲獨長歎長歎可奈何丈夫惜軀榦露滴  
蟬將暗霜侵澣欲斷喬松無貞心豈得免零亂

其八

山水通性情清緣天所賦但得山水理臥游神亦王宗  
生徒四壁煙雲自供養當其撫弦時高深出指上我懷  
在青岑白雲嚮相望束縛投市闥耳目雜譏謗柄託夙  
好佳神爽暫無恙風雨海天秋遙意領悲壯愁人多悶

思不爾益悲愴

旅歎

饑來驅作客蕭瑟此淹留  
雨色連天暗邊聲入暮愁  
深林酒夜衲衲布衣秋  
試問枝頭鵲何如屋上鳩

其二

菩提傳古寺一榻坐來深  
旅思通禪觀幽栖長道心  
獨將龍象意還滌馬牛襟  
問法僧無語吾方恨未瘖

其三

資朋空四海去去欲何之  
閔叔難爲客林宗自可師  
聖

續騷集

聖四明叢書

約國刊本

人悲筮旅吾道重觀頤極目渾無賴  
溪山入夢思

其四

秋風吹不極窮鳥失安柯  
夜臥寒欺枕朝飢獨放歌  
誰家貧亦好逆旅病偏多  
偏仄此天地愁來可柰何

其五

夜雨滴寒漏孤燈聽欲殘  
一身行役賤大道台時難處  
友思公叔因人媿伯鸞  
天涯儘漂泊鴻爪雪中看

其六

天地干戈際人生蜉蝣身  
游知世路隘貧覺道情親  
白

日荒荒老青燐簇簇新儒門正罷病何處訪遺民

其七

百年身是客況復客中過未免懷兒女何堪廢嘯歌窮  
愁徇白雪生事卜蒼鵝四海流方橫傷心在逝波

其八

孤雲無寄託隨分得因緣放腳千峯外觀心百草邊青  
山原故故湖水自年年寂寞成賓主相看作意憐

其九

出門皆蜀道豺虎正縱橫耆舊無顏色交游總世情論

續騷堂集

學七四明叢書

約圖刊本

文高興盡摘髮晚愁生雁落秋江晚磬磬何處聲

其十

繞樹歎烏栖登樓望眼迷枕邊三丈日耳畔一丸泥學  
道西江水愁時北海鯨新詩多忌諱到處莫留題

遇仁庵和尚于靈隱志喜二首用前寄懷韻

秀初道號

庵仁

我來湖上恨偏多幾度思君夢裏過十載論交人尚在  
三年成道事伊何眼前法法皆塵劫舌底心心是老婆  
攜手同行當棒喝踏翻龍象絕江河

大丈夫歸方外多風塵能有幾人過但言學道當如此  
若論匡時可奈何識破骷髏無伎倆看來世界自婆婆  
伐毛滌髓尋常事難得抽身是愛河

寄懷同社諸子用巨中韻

本刪

西湖草木許相依秋老驚看黃葉飛明月欲憐人夢香  
孤雲長傍旅魂歸不堪懷古臨清鏡贏得看山坐翠微  
獨有愁心寄朋舊風前未敢賦無衣

寸心千里最依依倦眼登樓雲亂飛北望一天愁欲絕  
西風何日送將歸已知衛霍功名薄待學毗那願力微

續騷堂集

四六四明叢書

卷四本

作客況當多病後故鄉頻夢臥牛衣

泛湖同徐蘭生劉雪符

原本刪

西湖寂寞久無主但到湖邊望湖水偶來山中尋舊游  
迥然把臂兼悲喜呼醪斫鱸且命舟凌風直抵湖心寺  
蒼茫秋水清且漣水深魚樂相悠然我亦如魚縱大壑  
圍圍漸欲開心顏臨流便作灑灑想當年莊惠非虛傳  
還舟穿破兼葭渚西風鼓浪兼天舉飛鷺跼跼水欲墮  
老葑舞波濺蒼雨主人洗盞且更酌一葉但憑隨處泊  
笑言暫向此中游雖在風波亦可樂風迴浪息櫓聲柔

紅葉如霞雁落洲此時最清切暮色侵人不可留  
薄醉頻欲將進酒怨恨分明曲中剖舟向錢塘門外歸  
燈口湖光又分手

旅夜

寒月蕭蕭掛薜蘿孤燈旅館夜如何牀頭有泪羞兒女  
世上誰人執斧柯且以道心看白髮漫將年壽俟黃河  
荒雞喔喔真無賴啼破霜天惱睡魔

一天風露冷滋滋正是游魂結集時隔院檀槽宵漏永  
破窗蠹簡曙光遲陳人不慣從新樣小點終爲勝大癡

續騷堂集

四九四明叢書

約園刊本

認得死心休歇處眼前羅剎亦吾師

讀晦木寄懷詩悵焉傷懷和韻酬答

避死各青山羈愁共白日君因遁得肥我以貧爲極志  
士當亂離一死事已畢豈知生存軀皆處正切密鶴鶴  
迎人啼狐狸當書出集彼豺狼羣導以狙公術妖氣蘊  
日隆乾坤亦以窒橫流溢滄海焉能問家室禍患尋英  
雄芟戮同蟻蝨廈傾不可支保聚萬有一悲哉旦夕閒  
匆匆判生卒與君成久要古道無遺失譬諸墳與篋羣  
吹協一律鄉里多小兒謔謔競梨栗來登正氣堂嶽嶽



維儔匹天生卓犖才贈以菁華筆師友在門庭寔者供  
著述八極正縱橫一場獨蕭瑟河嶽列大地流峙無回  
遙其高常嵯峩其深常湛溢丈夫恃心膽相勉無相恤  
既發潛德光亦副高名實冰雪周其身陰霾非所怵

西湖泛月同雪符蘭生

有客高臥在湖頭我往從之得勝游把酒邀出天上月  
乘醉戲掉門前舟秋深露冷風不起四山倒景醮清流  
蕩入湖心縱目望天光水色相綢繆夜闌月氣淨于洗  
炤人肌骨香幽幽菱葑承露時有聲拂拂出水驚鷺鷗

續騷堂集

五十四明叢書

約園刊本

最不勝情是孤雁聲聲哀怨來汀洲徘徊愛翫生感歎  
風流心想皆調柔怳惚天漢若可到一葦直與星樣伴  
從來游人避月色紅日欲落卽歸休況將鶯粟易歌吹  
畫船野泊無人收我欲暫借玻璃光聊滌明聖萬古羞  
百年能得幾良夜如此樂事非所謀長載孤光臥小艇  
不須翠袖倚高樓

送月用禪師入塔

道闍法字月用  
塔在靈隱山中

曲水庵中瞻古佛鷲峯山下送歸人十年交道存今日  
一瓣心香是夙因幻出層巒來作供破除億劫不成塵

舊時賞月吟風意可許三生石上論

孝直簡中有小硯大僅如掌理製精好予乞得之

酬以短句 原本刪

我腕夙有鬼操筆如操鎚而有好硯癖雅擅精良姿三  
年山澤中鼓腹謀晨炊易米賴石友長揖從此辭黯然  
撫几席矯首遙相思朅來訪河渚庶幾一遇之解珮得  
紫玉開函呈陸離半截大圭質瑯琢作鳳池其妍比女  
士其滑爲柔肌浴以清冷泉藉以古錦綈以試險糜丸  
觸手如熬脂乘興弄柔翰煙雲生陟釐硯田久無年筆  
髮墨不肥得此足欣賞適意且自怡相將登名山或臨  
大水湄磊落撰良辰逍遙賦新詩抱持當佳麗與之老  
而嬉此興復不淺人乃謂之癡再拜謝主人石交今在  
茲

富春道中 原本刪

朝出湧金門暮入富春路朝暮此江山紆迴自環護江  
中片片帆山上株株樹紅葉炫野燒飛濤驚驟雨榛莽  
翳荒丘村落沈沮洳一目無牛羊百里空婦孺今朝瓦  
礫區當年格鬪處豺狼噴衣冠鴉鳩矜毛羽去去無安

續騷堂集

辛巳四明叢書

約園刊本

驅行行且復住天涯總孤闌人馬同衰瘵歎息謂兒曹  
行役惟苦趣

桐江雜興

沿隄錯落是人家寒碧環山一道斜木落夜深風雨後  
遙看烏柏是梅花  
突兀江皋秀一山月明時有鶴飛還僊人已擷桐花去  
留得空廬在世閒  
桐君山上宿寒煙桐君山下碧連天片帆夜落潮生後  
幽夢初迴殘月邊

續賦堂集

四明  
約園刊本

屠沽蕭條只幾家眾山環護一官衙當街市肆人常寂  
下灘戈船鼓亂撾

斷岸荒涼古渡頭迷離煙樹有歸舟老漁罷釣日初落  
欵乃聲聲送客愁

面面青山入座幽望中籬落半高丘晴江無波淨如練  
曉起尤宜獨倚樓

數尺頽垣號郭門千家雞犬幾家存民間不敢弛衣臥  
惟恐游兵夜到村

山徑行行避馬蹄兒童拍手唱關西朱門多少生荆棘

蕭索空林有燕泥

桐君山

作意陟峯巔峯情秀且閒煙嵐互明滅江流蟠一灣有  
如振綺裘綴以碧玉環長松肅肅列幢戟古鐘無聲暗  
暮山僊人坐此煉何藥高桐百尺手自刪老鶴縱翮去  
孤雲飛不還夜靜月明江水寂彷彿猶疑炤顏色鳥啼  
花落自春秋丹竈無人守空舄我來未敢學長生但學  
不死足衣食手將員嶠招乃向浮丘拍石壁留題字可捫  
將無前身此技別白日沈沈可奈何青山已老誰相過

續騷堂集

五十四明叢書

約副刊本

當年枯桐折爨下僊乎歸來空巖阿水寒螿龍喚不起  
荆榛滿天霧露多未得臨風生羽翼便將從此問漁叢

聽雨 原本刪

旅意集遙夜風雨送寒聲槭槭幽林間澗響忽砰砰游  
子撫孤衾一夕百感生憂來太潦倒夢去不分明桐江  
一勺水的磔萬古清頑僊此結廬客星徹口口耳目眈  
視聽今昔費商評晦冥劣氣候蕭蕭侵蕙蘅愁眠不終  
宵荒雞失常鳴喟然謂鐙影知我豈其卿

祠山 原本刪

一葦孤絕處松篠冷寒條暝色與山古江聲入望遙老  
僧宜乞茗曲徑不通樵靜坐閱道性吟魂天外招

釣臺

富春山上子陵祠祠壁留題今古詩山高水長人在斯  
千秋萬歲此一絲南陽未起公何之男兒豈其無漢思  
伯升兄弟躬鏃基絳衣大冠一旦施前此交游是阿誰  
十八年來何所爲心言早定中興規惜乎不得聞其詞  
雲臺諸將公侯姿鄧馮耿賈又一時天生豪傑帝王資  
各行胸臆分鬚眉平生不負久要期功名何必鼎與彝

續騷堂集

五十四明故書  
續騷堂集

灘頭垂釣羊裘披遙揖漢官新威儀自從殿上手同攜  
軒然抵足相與嬉兼之太史多嫌疑客星入奏聲如馳  
若使囂然在水湄漁人老死無人窺乃知留侯從下邳  
赤松之游非希奇封侯裂土此常兒太上風爲百世師  
兩人異世可同歸當時佐命皆等夷我來臺下不勝悲  
安得魚竿留一枝意不在魚觀龍飛大橫之占白水涯  
不然謝綉魂可追招來慟哭山之塵

釣臺有感謝皋羽遺事

當年君哭文丞相今日我來當哭誰暮雨寒潮楓落後

朔風極浦雁飛時  
國家未得書生力  
草澤偏懷故主思  
擊石一聲天地裂  
泪痕千載滌江灘

乞硯

蘭生有端硯鐵筆  
手自勒銘頗爲珍惜  
憐予同好持贈石交  
作乞硯詩

古人得硯自長嘯  
朝夕對面爲良朋  
腐儒避俗無長物  
耕耘穠蓂石一塍  
與子十日話蕭寺  
咨嗟硯田久不登  
獨有新詩擅奇好  
神骨岵嶇峰稜稜  
心許幽閒足鼓吹  
山頭負薪湖頭醉  
懷中端溪一片石  
崎嶇好事銘其背

續騷堂集

五五 四明鼓書

約閱刊本

霜鋒鐵筆自手鐫  
石鼓之文籀史字  
自從孔鼎泗水淪  
鄴侯三萬徒紙費  
雖然不替硯北緣  
長吟永嘯聲淵淵  
欲學蘇米相巧賺  
老饕幾嚼屠門涎  
听然一笑憐我癖  
出手持贈無留連  
世上黃金盛篋篋  
豈有子墨升賓筵  
貧游四海但垂臺  
席上之珍白手索  
驚顧榮于十賚文  
風流抵跨揚州鶴  
長吉無煩羨荆雲  
杜陵不須誇禹鑿  
河清新逢紫玉生  
相將並赴青溪約

至日

此日何日陽復生  
人閒氣候從新更  
客塗感慨及時節

吾道消息難分明殘煤枯管爭世界肥肉大酒觀人情  
嗟乎木火長梁開鳴珂珮玉暗無聲江枯水落石欲出  
山澤寒江龍蛇蟄物論悠悠漆桶中帝命絲來占七日  
遮莫藏身學養雞何處逢人譚捫蝨葭吹灰信欲如何  
拄杖荒郊看雲物

寶華洲

原本刪

言尋寶華洲散步出西郭層巒臨平疇百雉俯大壑倒  
景激城頭澄光盪雲腳千山萬山閒儲此水一勺裹寰  
就野航間渡在離落振容登彼岸湖情更充拓白雲停

續騷堂集

五十四明叢書

約園刊本

遠岡寒潭靜于澤樹木涵古意招提結隱約樓居淨窗  
几灑氣歸簾箔老僧臥半龕巾餅致磊砢能以文字禪  
現出寶華臺世事閔水濱道心寄醫藥爲憫眾生苦故  
放魚龍樂因知佛恩深可歎儒門薄幽尋得良緣理會  
從嗚噓浮生多駭機來此悟栖託

贈與然禪師

師本姓孫氏名自修爲天啟甲子應天鄉薦筮  
仕粵令原空國變後弃家祝髮參訪名山予遇之  
于仁庵坐上心契古佛而作是詩

毗盧頂相宰官身自在塵靈轉法輪放大光明觀浩劫  
認真面目作完人進賢冠底三生案選佛場中兩足尊  
問法無言但微笑相看總是義熙民  
吁嗟大雅久不振方外今朝見老成心許佛門爲弟子  
身于吾道作干城拈花灑盡孤臣淚解紱新傳古德名  
世出世間皆寂寞獨聞法鼓響彭彭

桐江遇樵李高公路傾蓋定交爲子作雲山小景  
意殊繾綣賦詩留別 原本刪

識面纔幾日心言若生平紛紜多感慨耳目轉孤清夏

續騷堂集

五十四明餘書

續騷堂集

然雲霄姿優哉山澤盟虛榻有晨夕羣峯無送迎讀書  
早聞道臨池久擅名一目營八極萬卷擬百城林色企  
靜穆水心觀澄泓大隱豈爲樂硯田聊復耕我心如古  
井波瀾久不生視笑在幽獨懷抱傾目成因君畫中詩  
知君物外情筆墨涵煙雲臥游相與評千里貯顏色四  
壁聞音聲窮途不足歎珍重在嚶鳴雖然分袂去長如  
攜手行無爲惜離別天涯共月明

七歌

僕本奇窮兼之善病孑居戚戚無以爲歡俛仰



之間皆成感歎偶讀杜陵同谷七歌悲憤相搜  
愁懷迸集率爾命筆情見乎辭

束髮讀書三十年口非炙轂思譚天帝閣遙遙在萬里  
賤臣有說不得箋堂堂裘馬長安客虎翼猴冠腐鼠嚇  
獨以殷憂遺至尊坐致乾坤紛劍戟嗚呼一歌分憂方  
來愁雲漠漠生燕臺

我生之初在帝城吾父秉鉞方東征呱呱弗子迄三載  
歸來摩頂錫嘉名常自教兒手一卷授書先授春秋傳  
十葉家聲藩水朝豈知自我始賚賤嗚呼二歌分愁如

續騷堂集

卷四明叢書

約園刊本

結勞勞折薪負荷絕

三年奉母空山中風冥雨晦天悛悛子子奔走救寒餓  
一身轉側如孤蓬老人倚子以爲命朝朝暮暮當門迎  
生事曾無菽水歡安得幽泉問溫清嗚呼三歌分情茫  
然傷哉貧也恨終天

北風其涼吹我裳朝寒夕冷一空房獨把殘編當永漏  
欲語不語心悲傷傷心細數從前事志士肝腸兒女泪  
淡上游魂歸未歸夢裏相看空愕眙嗚呼四歌分慘不  
樂鶯語梁閒人寂寞

昔者吾友平原氏一代風流推國士劉郎謝郎相並驅  
大兒小兒幾人耳霧毒風腥白日頹疾聲呼天天難回  
宛其死矣成今古國殤之魂招不來嗚呼五歌兮傷偏  
仄屋梁落月留顏色

少年章句徒紛紛四五十今無聞長鏡短褐眞吾分  
妖狐獠犬難爲羣我已閱人同野馬一榻蕭蕭北窗下  
獨有狂奴態未消龍泉太阿知我者嗚呼六歌兮還自  
弔老僧無言山鬼嘯

昔日剡溪分一曲南雷之峯天外矗悲來被髮登其巔

續騷堂集

五十四明叢書

約園刊本

東望滄溟放聲哭自去桃源不問津一番寒暑一番新  
尙憶深春風雨夜聽到杜鵑愁殺人嗚呼七歌兮聲泪  
殘花落鳥啼何處山

三月十九日

三月今當十九日普天聲淚憤盈時一卮酌已非王土  
七載人猶是漢思國士未聞酬豫讓南冠惟見泣鍾儀  
滄溟萬里頻回首慘淡春風咽子規

年年此日淚潸然今日今年更可憐帝子不歸猶望狩  
機槍未廣尙經天青萍但有沈沈氣赤伏徒聞嚙嚙傳

我欲排雲問閩人，閒大恥幾時前。

寄懷且中兼柬太冲

江上春風吹浪生，江聲撼人心不平。故人一棹乘風去，  
江水滔滔流不住。遙憶西湖樓外樓，無邊春色十分稠。  
男兒志不在歌舞，魚鳥有情自媚嫵。風光與我欲平分，  
幾度遺書到海門。言尋攜手同行約，滿紙離愁寓嗔噉。  
嘖嘖市上有宣鑪，尤喜硯滴美可沽。恨不相將共欣賞，  
半是高情半癡想。我欲從君作勝游，杜老看錢囊正羞。  
致書不作相思字，但羨客邊饒韻事。今日西湖異昔時。

續騷堂集

李四明叢書

約園刊本

知君憑弔有新詩，山水之間多吾友。君曾把臂入林否，  
自從鴟鴞來毀鼻。天下男子歸漁樵，君今不衫亦不履。  
隻眼乾坤正瘡痍，章句豎儒無頁圖。屠狗吹簫儘可呼，  
卽今圯上有黃石。匣中孤劒懷中策，一夕深譚勝十年。  
此去眞如李郭僊，朝暝人情爭鸞蝠。豈有英雄長蹙蹙，  
出門萬里指顧閒。行行且見燕然山。

贈別舊令馬靜庵

春風習習江天開，魚龍倣擾聲喧豗。水深泥濁歌獨漉，  
有美一人江上來。江上風光非夙昔，彌望桑田失阡陌。

舊日琴臺已寂寥，獨有岷山留片石。君去惟攜袖底風，君來如見樹中松。落落亭亭一千尺，獨存三壑辭芳穠。我亦蕭條好高寄，每向今人譚往事。今人猶是昔時人，往事于今不可企。朔風被髮吹遐荒，南州高士潛茅簞。鶴黎狹獮並世出，安得隴首栖餘糧。憶昔江皋惜分手，歎息蒼生失慈母。今日江皋重見君，或泣或歌在童叟。童叟何知龔與黃，撫我者后無相忘。桐鄉之思并州誼，千載此意非荒唐。道上惟聞相絮語，來幾何時且欲去。來去春山一段雲，何時觸石生膚雨。我心悠悠君所知。

續騷室集

空四明叢書

續騷室本

峩峩古雪南山芝，江聲滔滔流不極。還憶當年分手時。

贈黃澤望

世道既喪，人文萎。讀書皆以蠶測海，鯢鵬曾遭鷲鳩笑。鐘鼓但見爰居駭，蚩氓因之昧大義。坐致衣冠化傀儡。君家正氣天所植，告我原先皇曰：無罪翩然一鳳將。三雛橫絕霄漢分，符采元方季方閒。世出風流更有斯人。在我來西園尋舊游，道風秀出見頤頰。等身之書腹爲笥，兀傲一目空萬載。尋常騷雅命奴僕，自許醉鄉樹壁壘。著得農書續月令，手種原田最每每。蕭蕭槭槭傷吾

道獨持菱筍當重鎧浙人柔懷古所譏輕薄浮華弱于  
蕾腐草灼灼生螢光何如石暈未有癘嶽崎歷落見眞  
性直以螳蝓觀蛇蚺十畝之間萬卷書以寄憂患亦樂  
愷英雄失職何足憐邈世如君可不悔前有柳下後孫  
登古人應恨不相待

雙桐生空井

原本刪

雙桐生空井井深桐鬱然上有百尺枝下有百尺泉以  
此龍門委樹之景陽邊鳳鳥不來巢蒼冥自歲年天地  
則已老山川長不愆但知松柏寒不共兼葭鮮桐風太

續騷堂集

空四明叢書

約園刊本

高寒井性無流遷水枯木落後此意當誰傳

鶴歎

用劉夢得韻

原本刪

老鶴戢倦羽飛來自玉京煙花空故國風雨暗江城嘹  
唳一天恨迴翔萬里情緱山今寂寞遙夜不聞笙

夜坐湖南蘭若聞城樓鼓角聲

原本刪

繩牀坐到佛燈殘鳴咽城頭竟夕謹種種懷涼千劫恨  
聲聲哀怨五更寒最憐月澹花明夜又作風冥雨晦看  
我欲安心安未得愁來無夢入邯鄲

當年文酒過從處此夕孤燈一榻時獨有城闌依舊在

不知鼓角爲誰施邊榆落月黃塵色禁柳含煙暮雨思  
無奈傷心撫庭樹栖鳥偏集向南枝

春陵置酒歌

原本刪

漢世祖既復帝室幸春陵觀田廬舊宅置酒與  
宗室酣語髣髴高祖過沛宮時誦以紀之

日惟吉辰惟頁帝來臨服上黃震雷熠電聲堂堂金鞵  
玉羈列驕驕天廚禁鬱旨且芳帝曰賜酺眷此舊都龍  
旂鸞路充交衢父老來趨以燕以娛當年文叔最謹厚  
絳衣大冠今何如歌房中舞垂手父老前致詞爲上君  
下土被下土萬萬古

續騷堂集

卷四 明 檄書

約園刊本

王壽百川亂流勢必東奕奕眾星共北斗赤伏之符兆  
大橫黃帝受命天所祐十八年來開建武帝命於昭被

約掖青入山採茶

原本刪

東山有太白其峯高且寒密篠飽宿霧古松臨清澗草  
木副眞性秀色皆可餐靈芽當春時吹氣勝于蘭碧玉  
千萬枝蒼蒼抽巒岫吾友山澤癯灑氣天所完春衫入  
青林煙雲收一簞低回就藪薄凌露手自搏珍重胡韞  
映弃實霜荷殘旣分櫝設味亦別茗旌觀擇枝得穎拔

蒸焙穿封乾白花傲粉乳紫面欺龍團天味殖嘉卉幽  
賞非恆歡煮之清冷泉泉冽火欲安一啜齒頰芬再啜  
澄心肝世人飽食肉酒行急于湍何如拊餅鉢坐對千  
琅玕指點定品格兩腋清風寬東溪與北苑紫盞把來  
看

讀井中心史 原本刪

我懷德祐年閒事鐵匣今傳一卷書豈是名山留副墨  
若爲易世戒前車重泉未洒孤臣泪管井如聞古鬼歔  
多少衣冠稱識字可堪執卷撫襟裾

續騷堂集

奎四明叢書

不寐 原本刪

約園刊本

肅然四壁臥蘧蘧涕泗無從恨有餘且以海鷗娛石虎  
但疑狐貉噉曹蜍函關道士五千字圯上老人一卷書  
磨滅歲華今古事風雲莫漫說龍攄

茫茫眞宰與誰論惟有青山入夢魂明月中庭空碧落  
幽花小徑靜黃昏雄心未死形慙影道力無憑風動旂  
老去不須爭定命游倦一枕概乾坤

二宿西園留別黃長公

西園風雨夕一榻臥連宵眷此江海情愁魂相與招靜

契草木理心心知久要當年臥此中爾我氣方朝昆友  
聚金玉涕泗說三朝今我再來游意象不得豪國計困  
籌邊養兵成教獠高祿豢犬豕化爲獍與梟如何君父  
偷獨賴草莽標君當弱冠時大叫天門高留食賊臣肉  
以報忠端勞墉戶二十年血淚漬枯毫著書今成家嚴  
潔非常曹六經無凡字一目人外遭當代寄絕學斯文  
未寂寥大儒不世出建此忠孝旌澄懷如日月晦冥安  
得韜屣勉赴大義其氣疾于麀蓼我旨慘淒離騷聲鬱  
陶丈夫篤斯誼七尺萬古杓安能无咎譽括囊學坤爻

續騷堂集

左五四明據書

續騷堂集

胡馬飲長江殺戮方噍噍碩果留斯人天心未可料君  
看廿一史消息如江湖英雄遺時會亂流投一篙所以  
有心人視聽恆不忒當其窾御處奏以庖丁刀有如謀  
忒滅不若還山樵我當返故國君亦理征橈行矣各努  
力回首天堯堯

杜鵑行

四月五月春已徂杜鵑竟夜聲嗚嗚空山無人月欲落  
迷離天外煙模糊此豈銅梁與玉壘人閒但說蜀天子  
荒忽游魂不可招哀怨一聲愁萬里春去春來只等閒



鴛鴦乳儘悠然無賴東風最分曉二十四番花信傳  
如此年年復歲歲王孫不歸芳草瘁路隔蠶叢可柰何  
一啼一淚血痕多寂寞風光天又曙青鸞縞鳳飛何處

得仁庵和尙書

憂患窮歲年耳目最機巧狐蜮解伺人背面幻媿姣交  
誼如芻靈弃置勿復道我懷在古往雲山踞孤躡蕭寂  
性所近乾坤淡一眺生平所心師嶽嶽人天標風烈寄  
瓢笠情懷託紵縞昨年曾攜手飢兒忽以飽今年再得  
書長夜忽以曉人生亂離閒衰落同秋草非無菁華姿

續豎堂集

卷四明叢書

新園刊本

雪霜自徠徠胡塵高于天戰骨滿蒸徠腥羶盪魂魄儒  
門迹如掃英雄一揮手氣薄秋陽隔痛棒施佛恩其言  
儘明了豈不念寒餓道在貧自好豈不念死生朝聞夕  
非殄知我耽藜藿餉之以荼蓼冷水沃脊梁驚顧出意  
表繇來道味深自覺世情少乃知人外交性命以相保  
愧彼蚩蚩氓聚稱管鮑

寄晦木

西園一榻夜相視恨堂堂坐到窗初自行看鬢已蒼人  
方矜失馬君乃歎亡羊五嶽胸中事愁來不忍商

其二

泗水淪周鼎湯湯誰問津文章關世道學問補人倫之  
子憂方大吾徒德有鄰傾懷三日語冥漠信乾坤

其三

別來頻問訊幽意託雙魚世態變憐蚊交情蛩負驢寢  
門難問劔禹穴失藏書滿目傷搖落離愁莽未除

其四

恨事誰能紀南冠君有詩黍離經可續耨机戒堪垂直  
筆文無害孤臣某在斯名山藏信史大義列鬚眉

續騷堂集

卷七十四明散書

約園刊本

其五

朝來望雲物何處是春陵龍氣終疑蜃鳩心未化鷹峩  
峩千古雪佛隴一枝鐙爾我相看意天應許共憑

其六

陸子宛其死劉郎不再來蠹魚空筭腐鼠嚇與臺賴  
有牙期侶還留管樂才風雲行可託懷抱待君開

避地剡中盡攜藏書以行兵燹侵尋無復存者掩

闕枯坐悵焉傷之因用古人亡書久似憶良朋  
之句爲韻聊抒憤歎以寄鬱陶云爾

鬱攸列焰燭天張一卷未許名山藏徒聞脈望飽僊字  
何處子墨髯古香生平栖託太癡絕涉歷憂患尤荒唐  
人閒焉得張安世爲我口誦無遺亡

被髮荒荒一草廬蕭然長物是圖書丹鉛且喜足點勘  
甌石豈必求贏餘大地沈冤徙陵谷人生猛氣歸蓬條  
一炬空山已焦土百城南面今何如

天下神山稱二酉祕笈靈籤爲誰守自從章甫委沙塵  
男兒性命孰長久祖龍遺恨幾千年豎儒嗷嗷絕可憐  
豈知麟閣蘭臺客功名不待簡篇傳

續騷堂集

宋四明叢書

續編刊本

畢世因緣在文字蠹魚老蝨殘編死誰將幽篔弔書魂  
獨有椰掄豁鬼齒寒煙吹絕冷千峯永漏銷沈凭一几  
四壁楊楊影問形石渠天祿將無似

文人福慧天所植我身何事苦偏仄禹穴無緣問琬琰  
姚源亦復生荆棘青箱舊業委荒原黃衣老人熄太乙  
何當快讀復長嘯孤燈夜雨遙相憶

讀書昔師邴根據感遇今懷陳子昂餘年已判置丘壑  
大藥何術攻膏肓祝融驅龍互南紀煤炷翳日天無光  
人閒樂事總消歇豈有筆硯遺精良

鄴侯家藏三萬軸黃衣白衣相友朋我身纔攜一卷書  
南雷之學躡躡登五經掃地太狼籍文事零落同春冰  
盱衡古道無顏色面壁從今學老僧

客有譚蘇李之事者予因讀李陵與蘇子卿詩而  
歎陵之尙知有子卿也爲戲擬錄別詩代陵言  
以告今之爲陵者

黃塵高于天翳此白日光君今去何之行行返故鄉丈  
夫惜離別臨歧多慨慷自非雙飛鳥安得比翼翔今日  
斗酒會明日遙相望嗚嗚爲君歌歌聲出清商此豈兒  
女情有懷未能忘

續騷堂集

李四明叢書

約園刊本

其二

投君北海上朔風分外寒朝驅羣羝出暮與羣羝還依  
依十九年敝節手中看凍雪嚙齒齒氊裘不得完爲臣  
固不易如君良獨難歸報漢天子白首氣桓桓

其三

老母旣終堂生妻亦去帷男兒墮家聲九死復何辭雖  
然士有志委曲良可思東身單于庭意氣日以衰清歌  
爲君發雙淚爲君垂千里萬里道一死一生悲君今忽

已去我當何時歸負負國士心報漢徒爾爲

其四

丁寧執君手送君當路衢關河不可極矯首爲躊躇胡  
姬牽衣袂稚子泣座隅揮手謝故人絕裾出宮廬去去  
勿復道驅車指天樞君心正脈脈我懷徒區區拍拍胡  
笳聲哀怨不足娛

其五

高陟陰山巔遙望漢宮秋千門萬戶閒冠帶何綢繆一  
雁獨南翔道路非阻修此去謁明光籌邊仗老謀道出

續騷堂集

七十四明叢書

約園刊本

居延塞爲我少淹留昔年接戰處遺蹤當可求寄語疆  
場臣邊庭多隱憂

其六

側身淪異域傍徨至于今豈曰飢無餐豈曰寒無衾志  
士重懷抱愁絕寄哀吟臨流歎鳴犢當予惜曾參安得  
而年身珍重萬古欽舉首見白日耿耿炤臣心子卿知  
我者別淚詎能禁

秋夜雜詩

又當秋夜哀怨日增枕邊鐙下多寄慨之句李

子鄴詞示以秋懷三十首讀之心傷然流淚  
嗟夫人情則兩天道何之兀坐冥游一涕一笑  
皆成夢藝僕無李子之奇禍而憂勞過之因廣  
其意作雜詩如其數竊比同患不敢示人

一東

身經離亂後愁入夢魂中幽意門前柳尚聲響下桐魚  
龍秋水夜鳴鶚曉天風何處傳懷抱蒼茫問塞鴻

二冬

一榻如僧靜淒涼枕畔蛩愁來詩思澀老去睡情慵霜

續騷堂集

三四明叢書

約園刊本

落天邊樹月明江上峯獨觀遙夜意心許歲寒松

三江

索居多寄慨寒色燼殘釭赤縣方多壘花門未受降世  
途依鳥道生事託魚鱧齋粟中宵發風煙又蔽江

四支

秋懷不可極沉復亂離時力命誰能詰乾坤有所私蒙  
皮噬市虎曳尾歎靈龜刺促人閒世勞生徒爾爲

五微

大道今重趺斯人久病痲明堂沈贄玉原廟失游衣國

手三年艾雄心十日飢我懷師尚父白首坐漁磯

六魚

儒生聞國是鐘鼓駭爰居哭世傳悲泪丁年老敝廬昔  
應慙賈誼今復愧申胥底事渾無賴傷心理父書

七虞

聖主求賢日千金抵一壺按圖煩索駿選技竟呈躄陛  
下親推轂軍中盡賜旅三韓不可問漫自策防胡

八齊

指戈天闕上回首玉關西遺恨教升木空聞悔噬臍朝

續騷堂集

三四明叢書

新園刊本

廷無失德草野有餘黎故國山河在悲思及髦倪

九佳

國事紛難說沈憂不可埋臣工自水火盜賊本優俳危  
論驚鳴鳳虛聲式怒蛙頻年易將相戰守計全乖

十灰

高皇定鼎處宮殿切雲開共灑新亭泪誰爲江左才管  
絃桃葉渡車馬雨花臺丞相門前客多乘暮夜來

十一真

中興千古業一旅亦堪振況有人思漢曾無客美新蒼

黃扶社稷草昧立君臣成敗須臾事何堪取次論

十二文

漠然忘大恥甌脫奔燕雲周鼎千尋沒胡笳一夕聞  
鉗徒驅故老降表奉新文獨有中原恨江東子弟軍

十三元

義旗之所指其氣薄陵園泣血河山誓登壇金石言雖  
令犢習駕猶勝鶴乘軒咄咄田橫客何如李廣孫

十四寒

帝室親王子歸然舊漢官乘輿遵禹服薄海泣南冠天

續騷堂集

卷三 四明叢書

約園刊本

欲留餘燼人當歷歲寒扶桑一萬里日下是長安

十五刪

五載傷膚髮幽憂尙未刪緣知牛有角養得虎成斑海  
北懷蘇武江南哀庾山健兒好身手白日坐閒閒

一先

四海在塗炭男兒絕可憐詩書今寂寞忠孝古流傳卑  
論非儕俗高軒且避賢蚩蚩婚宦世此日是何年

二蕭

萬古稱嬰杵忠魂不可祧世人何憤憤此意竟寥寥大



誼存吾黨孤臣死一朝中原多義士王氣未全消

三肴

明夷古用晦吾道在篁茅我已慙頭責誰當著解嘲  
名流爭入雒戰骨未封嶠得意且食肉人閒氣正佻

四豪

良朋不可作交道等鴻毛麤聚從時輩鷗盟屬我曹  
三秋泣風雨一徑蔽蓬蒿搖落江皋晚懷人首自搔

五歌

秋蟲不去戶宿鳥下庭柯病向愁邊集情因境外多  
道

續騷堂集

七畫四明叢書

初圖刊本

心天地闊歲月夢魂過漆室憂方甚誰憐倚柱歌

六麻

澄懷付秋水怡悅在蒹葭天意終難問吾生未有涯  
歌聲出帶索骨相合餐霞自判投溝壑長貧亦復嘉

七陽

我懷在剡曲幽澗靜聞香豈是愚公谷眞成處士鄉  
愁余懷北渚抱膝弔南陽最喜輪蹄絕衣冠揖上皇

八庚

秋氣偏宜晚風傳天外聲古堂松色淨深夜月魂清  
骨

肉添新酒賓朋失舊情人生消息事默坐最分明

九青

有客頻窺戶愀然感晦冥愁容風雨集深語鬼神聽欲  
殺人何意論交我獨醒吾徒好珍重古道正凋零

十蒸

昨日湖南寺堂頭詰老僧安心心未得問法法無憑世  
事魏營窟人生鼠囓藤坐來塵界外劫火冷于冰

十一尤

吾生如落葉槭槭委荒丘本不因人熱翻爲薄俗仇論

續騷堂集

七壹四明叢書

約園刊本

從身後定心向死前休此意誰堪說悠悠任馬牛

十二侵

無奈悲秋色兼之閔亂心一生愁過半百感集于今拍  
岸占潮信還山羨鳥音行吟來澤畔白露正深深

十三覃

讀書三十載學語尙喃喃魑魅憎人賤兒童侮客慙自  
須焚筆硯只合向瞿曇莫問浮生事浮生總不堪

十四鹽

愁人長不寐殘月冷窺簾獨鶴橫高宇荒雞叫短簷知

寒嫌袖短厭夜妬更嚴寥落鐙前意難從太卜占

十五咸

適俗原無韻逢人但避讒蔽身資短褐託命倚長鑱名  
士死千指奇文塵一匝雪霜方貿貿薺麥不須芟

獨漉篇

獨漉獨漉褰裳濡足濟河無舟臨流蹙蹙走壙有獸鳥  
則高飛熠熠宵螢不知曙暉弱草在野曰荼與薺誰置  
其甘而苦是飶大江之流滔滔其東精衛之氣猛于蛟  
龍秋陰翳天不見白日紛紛蜉蝣昧死一出有洸其雨

續騷堂集

七

四明叢書  
約園刊本

尺水興波大地茫茫公無渡河

黃鵠吟

庚寅七月初四日黃晦木祝髮入山貽書相告  
僕讀之淒然不怡者累日噫吁天下士零落盡  
矣黃子後死蓋有待也今卽未死而託之方外  
噫吁黃子之心我知之矣戚戚子懷能無眷然  
爲作黃鵠吟以傷之不敢以讚歎作佛事也

黃鵠振奇翼背負青天過晝游天之涯夕游江之沲世  
閒荆棘不足栖虞人澤畔空張羅山河兩戒判宇宙聖

賢將相皆傳訛鳳凰閒世不再至鷓鴣鳩鳥何其多  
蝮之腹集大毒食母之喙慘于戈荒荒雒陽古道邊蒼  
然飛出一雙蛾豺虎吮食龍蛇厄紅塵白骨滿青沙梁  
閒鷺雀聲啾啾杜宇生子無常窠吁嗟乎精衛碌碌徒  
白苦老鴝眊眊不肯舞蒼梧暮雲慘不舒愁予目渺湘  
江澣山閒有鳥名鷓鴣但南不北啼鳴鳴石湫黝黝山  
雨夕其聲哀怨凌江湖宮居竈食蠹蟻聚河有伏罟蛟  
龍去戛然橫絕四海姿焉得婆娑戢其羽黃鵠一去摩  
天飛水何澹澹山嶺嶺六合內外安適歸曷夜曷旦難  
爲期我欲從之駕雲旗

烏夜啼

霜天啞啞烏夜啼朔風陣陣彤雲低野戍城頭候更鼓  
坎坎鼓聲月正午吹出胡笳拍拍寒魚羔呼酒夜未闌  
帳底女兒若箇美路上嚔嚔哭新鬼

續騷堂集

主四明叢書

刻圖刊本

續騷堂集者甬上萬梅庵先生所著詩也南雷之誌臬堂之序雖著其目流傳蓋希竊謂長恩不守脈望爭餐唐隱居之瓢委諸流水劉復愚之家化俟香泥可喟歎爾余友趙瑾伯稼部嗜古若渴尤耽聚書嘗手一編屬爲審定壺山駢集不著姓名粟里詩編但存甲子因與孫君彥清學尋辭義根證時事而喜得其爲先生詩也先生生鼎閩之族值滄桑之交江干之鼙鼓都暗榆林之琴書已燼鬱伊侘傺一託於詩今讀剡曲雜感亂後河渚三月十九日諸什則驚黑劫之灰飛愴冬青之雲

續騷堂集 後序

一四明叢書

約圖刊本

鐘魂招杜宇泪灑新亭以視義山翠輦之思長吉金人之感不是過焉讀西皋雜感秋望續秋望七歌諸什則宰木搖落總帳淒迷旣魚索之痛深復牛衣之影隻以視孟郊春暉之戀安仁朝露之悲不是過焉讀吳陸文虎劉瑞當王忠烈諸什則鄰笛曉驚秋墳夜唱東海之蹈獨往西臺之慟日滋以視駱丞白楊之謠杜陵青楓之夢不是過焉讀寄黃晦木和李鄴嗣秋懷諸什則吏似蒼鷹憫北寺之見繁贖無黃犢脫南冠而倖逃以視仲文鬪棘之吟國輔獄書之歎不是過焉讀緱城道上

桐江雜興錢塘阻風旅愁夜諸什則幾家破竈半壁  
殘山中澤集而雁劬華表摧而鶴夫以視肩吾郵亭之  
作微之田家之詞不是過焉蓋其掩寒松之廬結鷓林  
之伴銜青照膽月黑抗歌馬角烏頭鬱此孤憤黍油多  
黍寫以酸音遠追湘纍之塵近接冰槎之席論者謂高  
論忠孝鬼神相之一卷留貽宜何珍重瑾伯以梨棗勿  
登楮墨易做謀付削氏用誌瓣香此則昌黎舊文賴崧  
卿之藏弄樊川別集藉田概而播傳往獻心聲于茲不  
朽厥功偉已校刊既竣屬書其後因思他日者東觀重  
開採奇鑿隱幸邀燭龍之照不黜精衛之音錄及斯編  
附於集部得與白石晞髮九靈海巢懸耀儀璘長留天  
壤何莫非是刻爲之權輿也光緒甲申冬十二月慈谿  
後學馮可鏞謹序

題萬民部履安續騷堂集後

履安在復社中甬上四孝廉之一也丙戌後文虎早逝  
時有七孝廉皆謝公車而次公節最高履安天鑑次之  
卽四孝廉之三也履安與謝氏婚乙酉之役諸公欲殺  
謝氏履安救之及戊子諸公反爲謝氏所殺履安力不  
能止遂以此大不理於口然履安亦甚自悔故以悔名  
庵其後同志始稍原之林大常壘庵貽書董隱君曉山  
言春秋責備賢者固當然不可沒其補過之心可謂平  
情之論適子選甬上耆舊詩特爲著其事此固不必諱  
也全祖望

續騷堂集

題後

一

四明叢書

約園刊本

吾郡萬氏爲明室世臣累葉忠藎及履安先生以不世之才身丁末造愴懷故國寫以騷音詩固非其所長而楚猿蜀鳥腸斷血枯亦千古傷心之譜也薰前得此冊於書賈決其出自因國遺民什襲藏之已周星紀比借孫君彥清馮君舸月參互攷訂定爲先生續騷堂集二君既各爲之序矣彥清爲言同治中與修鄞志蓋未見其書同事諸子弟據聞氏舊志著錄寒松齋集於藝文則此集豈未經刊布耶九原已矣僅僅留茲寫本雲煙過眼存佚難論自茲以往安知不墨昏紙爛終歸澌滅

續騷堂集

跋

一

四明叢書

約圖刊本

余小子不得辭其責也爰乃檢校書人屬之削氏庶幾有傳於後以爲文獻之徵凡行列一如其舊自敘後幅及集首二行舊所截去者仍空之不敢妄以意補書眉閒有刪字印識殆先生暮年手定欲刪去者亦不敢刊落第分注原本刪三字以俟讀者鑒別若夫恨深亡國淚血呼天慷慨悲歌淋漓盡致則孤竹之歎黃農粟里之書甲子衡諸往古心迹同之況以我列聖如天之度雖殷遺抗命如止亭蒼水諸公猶且備荷褒嘉加之美謚滄桑之際感在興亡山澤之癯誼無嫌諱則以西臺



慟哭之遺音存東國變風之逸韻可也慈谿趙家薰瑾  
伯謹跋

續騷堂集跋

二四明叢書  
約園刊本

四明叢書

四明叢書  
約園刊本